



湘綺樓詩卷第三庚午至庚辰



五言三

長沙湘潭王闓運字壬父著

夏日寄懷曹郎中耀湘



昭陽鏡萬里薰風度卷阿送懷騁曠望倏忽陵關河佳  
人常獨居守一抱清和炎塵合九衢念子罕經過爲郎  
非其好解嘲意云何囂囂朝市情善隱猶薜蘿余情偶  
淹畱匪曰避鳴珂高枕對松石怡顏眄庭柯初蟬惠余  
音颯颯涼絺羅同心各所適域內諒不遐道家出史官  
國宰應駘它人邇室何遠念茲同詠歌

寄莫五丈友芝

卷三

一

五古

山居易徂歲索處難爲季江東與君別蝕月二七圓久  
客僂所寓懷歸憚山川沅澧日夜流曠望風霜前雖耽  
琴書樂豈勝管所歡華髮對藜牀緇衣感洛鄜旅遜旣  
殊趣風波誰與言常謠影山句枉勒鍾庭煙儻有松桂  
興暫來宅湘堞

衡州城西望雨

夕氣清陂唐天容絢林叡陰霞映元霄金暈相鮮灼殘  
陽明遙甸素雨昏叢薄丹赤煊西雲青蒼負南嶽驚森  
驅荷浪涼響通蘿郭霧合望仍空光連象惟漠到影如  
可陵超塵視寥廓

盛暑得雨池上景色已復秋情感而有作

閒居願暑徂安知愒長晝涼風開遠懷驚秋覽物候浮雲何奄忽百感俱陵驟時華競方新人生獨已舊丹薇叵貪榮垂楊已倦茂遷流有由然睭達明所受躁人常多悔時過始蒙稽悠悠誰使之往者不可咎

嘉會篇九年十月於長沙作呈龍李二鄧

嘉會固有常賢聚斯爲慶矧茲二好合欣逢四難并禮煊擬春晴密雨調霜令歡言愬杯行新情爍離病龍李宅殷憂巷廬已澠灑釋此且微行訪舊驚季夔余生信無涯二紀勞將迎悽悽尙惠里落落衡山詠風川無損時逢者超其柄但知來日樂豈憶徂季競缺月已復弢惠星儻相映且當數經過終然不伶俜

酒集憶甲寅歲潭岳戰事感舊有作贈彭侍郎

玉麈

至人不嬰物應物有推移行藏固自我遷流忽在茲江湘沓崩迫羣材競求施綢繆義軍幙奮迅潭城垂仁兄總一旅伐鼓振天維重陰豁然解大捷始赫斯誰參督府謀仍蒙驕將欺謬興靖澗役再償城陵師自此縣一紀囂然吳楚疲余蒞終軍策偶作田單師從容視成敗惠憤論安危八汎洞庭舟久忘沙鷗期甯知伐定臣亦得浮鷗夷波濤識笳鼓林樹疑旌麾裴回風月下管是

今非非拯溺事由已成功得所宜悶然來去間身外豈  
足譏逝川無停舍今古復幾時情溪日滔滔迹往空遲  
遲消搖直晚節已過誰能悲

早春漢陽曉望作

雄襟建三城曠勢迤千里沔江波始春方舟道如砥水  
氣濛濛晴昏昏愈清綺真秀不可圖芳曖非蘭芷懷人  
愴道窮媮安論霸始鶴磯既崇胡鸚洲義酬李貞臣經  
緯謀今日山川美鬱然層樓觀無詒仲宣恥  
正陽縣道中作一首縣令張君勗立試堂

北風振邊塵本來自朔方雖無動地力翳此白日尅征

卷三

三

五古

夫務前途息處未設邊經行感遺壘咎邁淮汝荒兵執  
重燕楚精甲連荊揚誰能鎮中原羣寇起鳴張台藩既  
傾覆兩相復鴈行豈云多算勝竟蹙凶徒僵愀夫一按  
劔如柯反汶陽存亾固有時強弱信無常至今多壘郊  
京觀鬱苾苾西夷近馮陵天際闕黃屋公卿但寄坐甯  
念臣息辱樂亾豈人情有智苦不足思欲叩明后庖人  
代尸祝悲憤立廟堂從容奠川瀆勝成文王師敗比滋  
水曲家壩既可棄否桑信貞卜翩翩柳叢枝天天桃始  
榮低昂塵沙際亦足慰我情汝南管多士瓜隴已久平  
伊川尙爲戎陳蔡不再興麥苗何漸漸舊業輟農耕良

令敷儒術講舍始觀成願言推政本聊以惠遺氓慨彼  
漆室歎挽輅重屏營

曉起作二首贈謝麀伯維藩

獨居臨晨風悠悠庭樹陰所思不可見天路藹溼沈良  
友歡初邁穆如來德音和顏惠相怡真趣賞人心誰招  
西方美遲予晚相尋京塵易爲緇末路歎青衿均倪信  
可和願欲結朝簪蝮鶴已予狎巖阿終寤吟

恆風無休時恁心怨朝陽離披小麥空蕭椒春葦長賢  
臣懷膏澤息時步劾皇曰余泉石人甯此共枯荒旣來  
觀樵悴重戶避炎炆泠然君子聲披襟贈風涼莊生有  
道樞早浸已無傷胡然願泥中歸與斥鴳鴉幸能樂蓬  
艾內外各依方君畱九門下未異江池旁暫張公駸駸  
豈不勞轍行所怨尊酒會終然絕高張燕歌煩我心雅  
詠儻賡颺

卷三

四

五古

五月朔日潘伯寅侍郎南房下直同張香濤編修招陪  
者彥十六人宴集龍樹寺酒罷賦贈潘張各一篇張  
新從湖北提學滿歸故有良使之稱

西京重情誨六藝賴昌宏豈惟羣廉孝兼得翼承明華  
選今在茲大雅竟誰名達人獨許謨敷席禮奇英元辰  
耦休暇勝集耀西城高軒靜風埃夏雨宿餘清談醉時

閒作賞樂既云并嘉魚咎何美萃鹿貴款誠曰余久鄰  
德無德廁周行羣賢實元凱濟濟作皇楨荀稂豈終嘅  
行葦澤無贏得人斯維競企子陟台衡西園徒文宴愧  
茲冠蓋情

良使閔儒宗流風被湖介眾鱗歸雲龍潛虬感清唳拊  
翼天衢旁嘉期耦相對陸荀無凡言襟契存傾蓋優賢  
意無終依仁得所愛招要宏逢羣變彼城隅會從來京  
洛游俊彥相推邁流飈逐積波倏忽陵往輩終賈無久  
名音恭豈專貴飛蓬偶裴回清尊發幽噫金門隱遜棲  
魏闕江海外聚蔽徒一時矜望旋相代君其拔秦茅人  
焉遠唐棣無日四難并彈冠俟林瀨

卷三

五

五古

陳吉士理泰新入翰林述其所職贈之

評浚倚博士討修在史編經術咎爲貴長才今見妍吹  
竿易爲良舉籍遂多湮邇來禁近臣翻列穴從斑猶然  
守資格翔步台司前

成皇重文儒內職倚旬宣吏兵困所學他涂稍騰遷臺  
省稀攤旄卿寺實停年官也以人重人輕豈在官維君  
起經生一舉遂雲搏趨蹌盡時髦文學見山淵從來將  
相階養望固超然豈伊記載職旅進作鳩鵲誦詩雖已  
多議禮莫知原尙閔蕩廷諒度以六執先無日仕爲學

簪紳非我賢

南注高閣感秋

暮雨度大行西風吹薊縣桂樹未皇榮蘭華忽已晏陰  
雲僚欄端淒氛掩京甸悠悠咫尺閒佳人不是我見巾車  
久徘徊行舟日遙衍誰謂情可通干言不如面

七夕周學士宅餞集

雲聚感天衢星離怨河曲念別霄始清聯鑣宴宜促澄  
陰綠槐市張飲藤花屋良節動秋吟深情駐行轂是夕  
最妍涼遙恩屢還復佳人望何遠歲會歡已數咎傷靈  
匹睽今悟嘉期續乖違豈仙然閒關念子獨漏轉酒未  
闌塵清雨猶宿涼焱嫋曲防輕軒背明燭畱連如可恩  
貽君憶川陸

天津南望水

常歎神州沈堯風今果變碣石久已淪迎河不重衍田  
廬逐流潦羸壯空溝畊農功甘鹵莽惰氣由征戰積廢  
將千年循良豈一縣二京尙難興百姓紛相眩始知戎  
馬治不弭冠裳亂方驚海揚塵復此陵仵岸禹功豈異  
人漢吏宜高選徒然怨英俄懼絕中國綖

張秋河舟望月

游客復江湖河舟始乘興翩然夕前風擘此清秋勝汀

洲漫安流輕煙攤平乘魚山青若雲潭漣月如凌南臚  
既津通東行恣翔凭徙流念周衰會穀歌侯應寒露川  
梁溪飛光別愁凝誰言一葦杭鱗鱗不予賒

南陽湖采菱

湖天中朗然乘流縱虛棹秋雲氣激鮮輕陰愈光照浪  
浪驅臥聽皎皎明孤眺空清信無邊逸興翩已到微波  
積深青晴漪激寒峭文鱗既承橈浮藻若可釣偶懷持  
竿人因歌采菱調游隱豈異情欣寄從所好煙開微山  
秀樹密湖陵奧塵纓久已遺長謠涉江操

九日從江督曾侯徐州閱武作

卷三

七

五古

秋雲麗江皋涼笳引歸鶴爽夜蔽寒陰朝陽有鮮皜蘭  
防靜綢杠平場動鐔鐸時行應金序端委論戎略洪苗  
初盜兵甸衛咸征佗朝望歸元英雅步臨牧岳荆揚蕩  
昏埃燕齊待安宅秉鉞觀徐方憂勞覬民莫坐鎮中原  
康迎歌舊邦樂晴塵藹若煙環山翠如削雖雝萬騎進  
肅肅千夫諾威如信有孚教禮斯爲恪伊咎奮覲危綢  
繆廁軍幙附尾違青雲容身戀丹壑俄云異榮晦多幸  
同耕鑿蒼茫子羽臺蹇產劉向閣飛鴻送和音傳聲詔  
來客

重九日登戲馬臺

熊靈翳壽春懷緒映盱眙鷹揚起世將涼彼彭城基重  
瞳瞰河關劉呂胡權摩夷羸逸寶雉懷楚歌鳴雞百勝  
終蓋世稜威上曾臺遺壇匹南闕築館壯西淮神武永  
不殺非雄固莫躋宋魏角長距帶劔攀崇梯北眺收二  
壘南闕忱兩維前爰役豪英屬乘載瓌奇扼腕騁遐眇  
開胸象崔嵬陵遲千載間朱宮鞠已夷肅轡尋笳路荒  
然遇興衰河枯斲水靈霸歇掩神姿斯岷竟何瞻貧寡  
覲周遺餘榛蔓王道猗丘頓重階高步豈云跼聿余踐  
荒藜優賢庾明揚盛烈豈不恢傾廈在羣構崛起焉足  
睇晶霄燦川原迴路有餘悲激情回巖駕改服埃工熙

從大孤入彭蠡望廬山作

卷三

八

五古

輕舟縱巨壑獨載神風高孤行無四鄰窅然喪塵勞晴  
日杲皎皎廬山不可招揚帆挂浮雲攤檝玩波濤咎人  
觀九江舉目送神霄浩蕩開荆揚渌渌聽來潮聖游豈  
能從陽島尙礁嶢波靈戲桂旗仙客歎金膏委懷空明  
際傲然歌且謠

登北固山

江流半天地高城搃陽隈餘險未及甯爲山何壯哉奔  
情逐遠濤豈憶身崔嵬長風過我前收慮坐曾臺平臯  
引透逸况若在堂階雙島左右之靈象夾我懷空明白

日杳勢與浮雲來安知觀聽中率爾陵九垓願學成連  
子拏舟滄海崖

萍鄉贈逆旅主人女

浮舟就漉口乘櫂度醴西寒風卷行幃密雨霑路歧櫳  
鐙始欲照雕胡方自炊嬋媛主人女留客初昏時低鬟  
工巧芙蓉袖觸冰脂秣香恒護乳絲柔穩著綦撩情燭  
應搖非眠眼自垂不緣心振蕩惟傷容盛衰勞君玉釵  
挂密意久應知楊子有爭席長卿無麗衣常羞孟氏冢  
將抽叔子茨畱君愛款款還余情自持思多長夜短室  
闇曉聲疑眷眷門前路緜霜徒見欺

湘上七夕

卷三

九

五古

羣月久雲間無期自迢遞輕雲作秋河微杳澹如積人  
生未忘情茲宵可冥息佳人好離居跂彼勞我意綢繆  
新故間因循已閱世浮雲驅長川炎飈振塵袂山海橫  
九州悠悠何由致去年京薊游豈安閨所寄懷歸不余  
歡恐老蘭與蕙良期各天涯差池復移歲思心如循環  
還枕終獨寐

金盆陰曾太傅墓下作

陂陀亂南郊烈日何荒荒疇管幙府峰高冢竟相望炎  
風吹我衣廿載復來翔誰爲終始交折節奉謙光弱冠

揖軍門長算料興亡歟隼興義徒雲起化侯王唯公不改服愔愔無方激波孰能挹繫予隨鴈行不覩梁木壞焉知殄瘁傷高懷委天運反葬榮連岡徒令具瞻者索德追荀皇小雅今不缺雲雷胡未康雖隆中興略榻外議明堂袞闕竟誰補于今念一匡鬱鬱南楚門文武浩穰穰涂窮啜已泣徒步靡所臧

鴈峰龍祠故亭秋望有佺衡陽湘川岸陝波小唯此右阿正直湘曲對衡山雲下圖經所謂晴江亭者

湘流未洞庭信美豈宣曠登丘覽回勢曲直秋濤壯紫蓋橫青雲蒼蒼送江漾目窮想逾驚風起帆初王澄陰  
藹晴城平蕪秀霜嶂塵中綠槐合桂谷丹華颺但驚祝融高豈識幽人尙卷阿隱余情山海勞君望且宜樹松竹蔚焉託閒放

秋夜得張永州書夜起有佺率然奉憶

客夜常獨驚非羈竟何慮愁生非一情端然自彌路寐中起裴回虛堂冷巾屨燈窗更回明霜信在庭樹不知寒雨下但訝階墀露尙想郡齋人蕭蕭絕名趣寂然官燭盡宵若空山曙高詠如可聞清塵豈能污疑衡共秋雲相恩任來去

荅韓臣

羲轡尋傾暉物象競昭鮮圓月賡餘照空庭忽已寒洪  
條收廣蔭翀翮提歸翰小人營世務賢豪當素餐因時  
有屈伸異趣豈殊觀之子瞻班祿余懷從澗槃鼎鼎十  
年內相與還荊關高歌振蓬室流藻挹明珥處靜念逾  
宋興言覽川原九疑冠雲中重華揚玉鸞誰見末世士  
榮枯若浮煙曾生康九州彭子厭高官良朋論取舍並  
世豈不然宣尼悲鳳圖乃自不尤怨磨彩驚眾目騰蛇  
辱泥蟠但恨智力小莽蜂負時賢何以勛明德如圭胡  
可刊希心託激素朝陽濯清瀾

贈李仲約學士文田時在宜春瑣院論英夷事

卷三

十二

五古

雲門會九奏縣圃鬱三巒崇高竚積壤要眇貫同歡臻  
響方自遠披霄對卿雲春川麗蘭野萃日藻晴漣瑣閣  
延遠秀縱橫恣清言伊管丹棧游委輅躡金門時覲哲  
人驚天化眾艸繇從來一紀內杜迹守巫樊飛光朗餘  
照驚彩動我顏良匹果誠願還途生別端不逢千齡會  
豈識四美鸚欣慨靡所吝憂時共般桓從容耀台袞顛  
沛鎮中原投覲豈有術民儀翼征軒請爲頌穆葛度以  
慰周爰

六月十五夜納涼

廣庭蔭嘉樹起坐心蕭然日長偶茲暇臨池弄清漣芳

荷早已合垂楊碧更鮮房櫳玉琴靜微風自飄翻燭搖  
知露重衣涼見月圓甯懷西堂詠徒取北窗眠

七夕代茗茗牽牛星

婉婉初昏月豔豔河漢光閒庭朗已靜冥思一何長人  
情悅嘉會天路恨無梁跂彼自永久良期念有常年年  
含勞望遙遙待夜央歡怨未及已流颺轉晨涼耿耿還  
獨寤撫事心洋洋參辰忽以沒明發起翫皇

張永州府亭八月十五夜集贈

零陵山水都郡齋風雅林浮雲去從古明月來自今解  
邁得賞會亭池共登臨叢蕉翳夕光孤桂朗秋陰流耀

卷三

三

五古

靜几席微風開我襟西山翠蒙蒙馮郭瞰林岑從來游  
宦子欣怨一何深升沈若弭望推代倏相尋且適目前  
意孰知來者心酒醒白露下高榭望辰曇

題朝陽洞

空潭漱雲樾秋葉錚然隨斜窻寒可門圓磯秀無佐臨  
郊展齒頻題字蒼苔破休鐫俗士名下有潛龍臥

澹山巖閣上作

坦步遵南驛孤椒秀高萃臨虛駭碧銓尋磴入瑤阮三  
條內潛通一闕上圓明雲所接幽辟天閣敞曾昭揆厓  
峻蟻攀履躡蹴龍驚清湫何時涸尙想灑漾情增奇賴

巧構榻坐孽餘清溪營檻外流徭洞翠無名依稀古今  
跡悽惻遷宦銘自來榮華士誰能數經行南交久失官  
莽莽弔荆衡願吹零陵玉承后聽韶笙

獨行謠三十章贈示鄧輔綸

有序并自注

彌之見過山中除夕設飲追語二紀前娛園之會後  
歷安危宐有紀述要與連句謙退固辭豈將激發鄙  
情亦時遠事眾誠非率爾所操因及暇時輒綴數語  
積日所得總爲一篇命曰獨行謠詩曰聊以行國又  
曰我歌且謠蓋明於得失之迹達於事變懷其舊俗  
國史之志也故綜述時賢詳記大政俟後世賢人君  
子興起除夕因以除夕發端

卷三

三

五古

一晨復一宵聽我獨行謠獨謠君獨聽歲月一何遼憶

我年十五體羸志未修呻吟窮巷內學作康衢謳儒冠

樂羣會始得通羅劉

長沙羅熙贊熙載族兄弟也識武陵劉鳳苞道光二十七年余讀書

二三多始識二羅因劉論詩乃聞彌之兄弟

此時聞常鄧先交鄧兄弟爲湖南

同時諸少年生之俊傑

高咏鏘鳴璆鳳皇不孤響燕雀隨秋秋寒

冬步從我玉佩貂襜褕十里還城南友燭明如珠城門

丙夜開民物共歡愉分題賦南閣君獨悟幾超

鄧與同人登天

心閣作賦已知將亂

余方樂娛游明歲果告灾荆澧連大浸桂

象亦無禾

道光二十九年湖廣水旱民饑

南郡介其中

湖南巡撫所領爲溇江南四郡

院司庸且疲陸貪駱則廉其智各自謀巡撫陸費牧令

久俗鈍參錯七十都湖南六十三縣楚危若振擗越劫駱秉章也

如爛魚洪秀清二人假法琅西祇教有名號盜初起即

禁髮髮僭天王之號倡和連潯梧時山盜瑛也起州縣鄭祖瑛十

補星子縣嘸哭不冒坐堂上其家人患獄訟多滯給至

堂令人推之出關門吏役呼升堂乃以明察著稱道先

未官廣西巡撫奏艸先中樞彰云上厭事調發煩軍輸自雍正

房行走大臣權如唐宰相道允中穆彰阿最專且久直

省督撫多先咨上意乃具摺言自西夷事起宣宗

知天下財匱一意節省聞興發輒不文宗既龍飛其

怡廣西盜熾鄭告穆穆令秘不以聞咸豐元年盜不可

變乃具疏選將由固原薦材未云誣諱鄭始奏請自詣

平樂益調固原提督向榮率兵討捕榮後為名將誰輕鼠機林死降李周官

劾鄭奪職以鄒鳴鶴代之更遣林則徐為欽差周剛意

大臣道病死代以李星沅俄又以周天爵代鄒是時調兵

輕李鴈行始不和奏用軍二萬大臣舌橋啞不過數百

總集三千人止矣周乃奏言盜未可輕請募二萬人寇

起言兵無過周策其後歸病死文宗特賜諡文忠思

之惜哉謀不用足為後世模鄉使并全力武宣掃無餘

置此曲突計焦頭賞曾胡斷斷浸上聞命帥輟尙阿

李具奏請特派大臣視師朝議知其忌周乃以軍機大

臣大學士塞尙阿代李塞新有清正名朝臣賢費無踰

者朝出清望臣十六在貳車一飯巴陵館但見訶膳夫

京中僕隸貪恣至岳州索賂少六月守永安左向頗右

乃置肉中以進塞乃大怒矣洪寇據永安圍師五萬將領百數大將中向

烏榮烏蘭泰能戰烏輕銳向持重又不相能也失律債

四鎮桂林閉圍闔烏追寇遇伏喪四於吾未云岨於寇

總兵寇遂圍省城

西

五古

古

古

古

古

古

古

古

古

古

古

古

古

古

古

膽氣麤出湘謬走郴徐駱又不圖咸豐二年四月寇出全州入永道不能汎

湘直下七月乃屯郴州時湖南援防軍備空虛欽差大臣所部在桂林多敗散湖廣總督程喬采湖南巡撫駱

秉章皆一坐土城內湖南省城南郭多民居築土城護之或議焚屋清野駱與羅繞典議

不決寇迫城下駱羅一議棄衡州程喬采駐衡聞寇近在土城幾為寇禽也

復偏師扣南門民吏但驚呼蕭朝賢以二千入從攸醴攻省城已至無覺者或持

名刺上謁言平寇之起起尹培立一士當百夫甯為壯士

死不作欽差逃石馬鋪屯陝西軍五百人福誠將之陝軍不慣稻食求麥不時得副將尹培立

營破乃死故城門得閉蒼黃乃閉城八十日其徂

七月晦圍城十日君時直閣門余在傳淺湖始聞易帥

詔乃用鹿邑徐時以徐廣西夷約踐庚大船鄉番禺和

戎我所諱擄柱不入鄂以茲得封爵名字溢寰區初道

子兩廣總督者英私許英吉利入內通商期以十年立

約至庚戌夷使至廣州徐為總督登其舟迫令出洋夷

人本無戰備故太時議盡虛佇陳生對唏噓商丘陳景雍及河南

徐以功封一等子徐至湘潭停七日不及兵事於

京朝官皆言果然噉畫餅不能補羊牢

徐不可用濟源李仁元知

時巡撫兩司皆以為不樂平余居縣齋

設逼塞相得政體也余時自樂平

三千里一肩輿平行至城根不見官賊徒寇圍城唯居南郭一里外

不知夜投魚船宿烹菘肥似膏明晨告府主帖下架鹿

盧城下無店舍宿湘水洲翁魚舟以書告長沙知府鍾

音鴻無回信亦不遣詰所往明日城上呼余入者毛

文運將相共出入吾亦縋我腰猶蒙瓜媵嘲啞啞笑縣

豬城東北並設桔槔及長梯塞大臣乘以入守諸軍人

卷三

五

五古

余始子妻夏左翻余云城中買豬於近鄉亦縋而入曰啞啞也臥聽沙井角坐吹南樓

笄寇設旗織白沙井與楚勇營近客謂領將江忠源空拔其幟江云有賊那可往客言此但空屋無賊也江

掉頭曰有屋必有賊寇攻南樓提督鮑起豹迎善化城隍神大像與對坐人呼為鮑齋公是時青衿

散獨與彭郭居善化彭嘉玉余同縣郭薪楷郭生賦七哀彭子慕廉

頗城中尚歡笑士女縱娛游雖聞地雷鳴不敵瞿鄧刀

寇穴地圯城副將鄧紹良瞿騰龍拒戰斬先登者一人寇遂退如何洋礮威近欲欺中

華厲階蚩尤兵矢石更礮硝兵火終自焚利器豈防軀

守城未論功怵惕夕至朝寇初退巡撫張亮基等以無功懼譴出入不敢傳阿

朝廷務寬大張向竝有裒疆臣失郡縣自此改例條向

非戮青麀軍法無所加軍興督撫獲咎者唯咸豐四年斬湖北撫青麀臣有為

卷三

六

五古

法外主有縱與操洞庭散漁筏漢口聚商棧湖北設防岳州募漁

人斷行舟舟聚資口寇盡得其財眾至漢口又得商舟遂有船五千眾十餘萬推能誤雙福閉

戶啟四郊湖北撫常大漳以文臣不習軍奏雷自壞漢

陽府漢陽知府董振鐸游擊李信皆文武將才藉寇長

虹橋向軍有王錦繡常祿能兵敢戰先至武昌請浮橋

連江漢羣盜始翔翱寇作四浮橋其二橫江舟楫行臺

坐傾亾十萬殉干戈徒驚忠貞盛灑血江漢波武昌破

下竝从吏民殉者徐廣縉終

出尸樞猶有十萬縉也待雷霆印昇陸尙書未一至軍

與人書云唯有屏息以待雷人皆坐罷奕公獨早自夸

霆之至乃以陸建瀛代之

伏波久據鞍衛伯果執受全眾五十萬疾以千人驅陸

寇出全州卽自請督軍詔以河工止之及後受命還江甯治軍三日卽發自將不滿二千前鋒未交

旗後舫忽轉頭總兵恩長礮震自死陸舟方下其夜巡捕官矯令遠還走芾慶死灰

色宿厚反風議文慶守江甯者將軍祥厚藩司祁宿藻聞陸敗芾棄九江文慶空安慶遜走祥厚不知治父囚

但恨莫敖驕庸奴卒併命如貉在一丘竟符金桂讖共

唱耶蘇妖三年二月寇破江甯僞建國先有謠云丹桂插金瓶無根總不成寇以妖言起既成事猶令眾拜天呼爲父呼耶蘇爲大哥故眾無附者耶蘇非

夷言乃隱語也耶卽父也蘇死而復生也謂天父能生

人也余還過南昌娛園梅始苞分賤輒懷君置酒且揮

豪鄧父仁塋知南昌府鄧弟繹從宦居府中余於解圍後還樂平過留居府齋娛園除夕刻燭連句爲長歌

祭詩之解龍譚過東道以會試至淮遇軍塞道風雪

卷三

七

五古

纏馬鑣淮揚哭途窮公車避軍囂琦侯起徒中善貳以

學士釗許乃曰榮佩關防琦善向榮俱授欽差大臣夾江統軍防勦資格不

拘纓滁州旣已空林李遂渡河寇將李開芳北犯由揚

懷慶遂繞山西直隸及天津南趨山東楊秀清不欲北

行遣偏將林鳳翔繼之深入無援故爲大軍所滅猶歷

三天下乃震動南北分欽差勝生本從琦用以直諫嘉

勝保以閣學從琦善分兵北援遂授欽臣代直督訥爾經額訥經老不庸棄彼若縣

匏鎔也吳文亦文俗宋名命督湖先朝老大臣一一

在大僚是時君先公分道筦糧儲沈李議漕折余預聞

訐謨鄱陽令沈衍慶與李樂平議漕事李議盡運九江糶穀募萬人屯九江爲大營及湖北犄角不果行長算駭眾聾各自撤藩籬從茲成分播俱歸守鄉閭余

鄧弟俱還里中孫交長洲孫麟趾老獨癡乞食供妻帑須臾寇分

軍百舟渡彭蠡江生號能軍一旅保洪都君時正取急

余亦還湘壘髯髯曾禮部壯志陵峒嶼湘鄉曾國藩以侍郎丁憂還奉

命治團練乃辟士治軍謀討寇折節致賓客義軍起蒼頭農夫釋鋤樓

學子束書包鄉人將鄉丁迂哉王珍與羅澤南布衣操土

音見帥不能趨不知富貴樂豈暇諂與驕監軍選材吏

縣令有夏廷孫樾朱七子榮一敗壁上觀睢盱軍援南昌營哨長皆

羅弟子戰敗楚軍誇身手濟也貪且愚留賞不椎牛白

畫士譟譁二卵棄干城自此江氏孤江忠源帥楚勇號能戰時有北勝南

以給士軍譟索欲殺忠濟故忠濟不再從征而楚勇遂

卷三

六

五古

弱矣君從援軍入觀父雷東湖余歸就蘆菽擬信傷王

衰饒州破沈衍慶李仁元俱从余先十日歸風塵益頽洞賊馬馳沼沙甫捷

宜陽鎮追奔至獨流帝曰叔父愉開府秉白旄僧哥

女參贊素光縣爾腰三年九月命惠親王綿愉科爾沁郡王僧格林沁將健銳營出京討

寇惠王為奉命大將軍佩銳捷刀僧格林沁參贊佩訥庫尼素光刀全乎不北援翔芳竝

就俘撚寇又影響擢用袁兵科撚寇河南山東羣盜也因亂竝起安徽尤受其

害兵科給事中袁甲三直雖異趣袁勝曾皆以文宗即位初言事見知時

號三直臣帝聖能遠猶舊臣盡僵仆折足覆葦蒲道光中督撫尚

書自林則徐先从外無九江既再淪江防在張吳傾兵

防田鎮張亮基吳文鎔軍潰帥亦逋元戎恨从綏吳投池

按察使唐樹義  
軍敗還投江臥感彼殉黃廬黃州知府金雲門  
安徽巡撫江忠源

余懷

越甲恥杖策獻軍謀

四年春寇大上洞庭環長沙上下百里皆寇屯

是時曾侍郎年四十四余年二

分抵掌借前籌

十三初入學上講論事輒自專

羣凶敢

相距上下竝屯鈔陳彭各有主

桂陽陳士杰議救湘

退踞上游

符

副將塔齊布初援甯鄉三日行十餘里及議救

塔齊援甯鄉東旆改軍

趣湘潭意欲憑櫓樓旌旗道相摩倉卒會馬坡我愕彼

不意短兵接巷衢從來費拙速驟勝鳴干枹自茲習大

勇突陳飛蛇矛

自由雖有靖港敗失勢兩不畱

塔自捷湘潭後嘗

兵興五稔來搏戰始

夏靖港民士來乞師曾公分四營自帥往交綏即退植

帥旗令設退過旗者斬軍士皆從旗旁過遂潰曾憤怒

卷三

九

五古

潭大捷寇亦遞走

明明我

顯皇坐照臣藩憂詔奪

提督兵超次用塔侯王培始愧屈蒲伏瓊璫

曾軍敗

潘司徐有王臬司陶恩培詳請奪其軍治罪及奏湘潭

捷猶未設論提督沮撓狀而朱諭切責鮑起豹以塔齊

布代之靖港之敗詔有溫慰詞且云汝此時心搖搖如

縣旌平日自命者安在又令奏調司道大員隨軍支應

徐陶來見曾皆

自頓首稱死罪曾軍長氣勢後用錢魁酋每懷御將略

涕淚橫袵袍何必身受知甘舛報聖朝史臣豈知此願

以詒千秋 水國利戈船篙工自越招債軍陳陵磯拖

罟重被膠折肱果知醫彭楊狎奔濤

曾軍立水師時議

奏募五營以總兵陳輝龍游擊沙定邦知府褚汝航知縣夏鑿將之湘軍十營各有營官以衡陽附生彭玉麟

千總吳州楊載福為左右長至岳州越師先出乘疾流順風攻寇及將還舟不能上沿岸牽纜寇所攔者舟橫眾亂皆陷沒而羅山善學陳羅澤南將陸師初不敢戰彭楊卒為名將轉戰江漢皋乘此破竹勢千里卷昏霧湘營接戰大捷

後遂稱勁軍轉戰江漢皋乘此破竹勢千里卷昏霧湘木陸出征七十需以心計稱時楊需督湖廣需家居京

日郡王載銓文五大鏡不設顯送與書兄子合訪某甲甲居窮巷無行業道需名已不省久乃悟曰是楊八耶

如此但運鏡至城外寺中無問所以入數日呼需兄子日鏡在定王府旁某所女可自送大驚問之則置空喪

車中以入城矣需之鑒見敵頗忭惺湘軍不後勁直弄識如此而不以正用

潯陽潮湖北布政使夏廷樾言武漢空虛宜留羅山還噸相屯守曾公投書地下遂直下泊九江城下與寇

及輕兵卒致敗盜獲元戎貂四年十二月賜曾國藩御服黃裏貂馬鞋至

之明日寇以小舟夜劫督師大船獲焉鄂將如驚弓陶撫但叫號收軍詎

卷三

子

五古

能守委罪信無聊楊需在廣濟聞湘軍敗走德安過省城不入時陶恩培為湖北巡撫不治

軍方以元日索蒸葭銀壺罵江夏令歸與豈知幾除夕忽聞寇至呼天怨楊需待城破而臥

宴巴瓜還相遇逆風雷岳州度歲元夜賦春別羹火余於十二月二十日自武昌

照畫橈五年元夕鄧還武岡余龍汝壽霖蓉悲不寫東去與城南舊友儼之余宅

如雪飄武漢果三陷空城餓餒鴉三遷翼始庸益陽胡林翼從

曾軍無功名由道迫蹙沌口頭王將孤且奇蛇山夜鳴員連擢湖北巡撫

散副將王國材呼武昌城夜入寇數百人東南倏翹堀水人據城其酋將宴藩署斬數十人

陸愈喧呶雷九江胡屯沌口將益驕將軍忽天枉湖南提督塔齊布

暴薨於軍中周將鳳山廖推旄賁軍始章鎮義吉委蓬蒿葉周厲忠貞義甯州牧葉濟英吉安守周玉衡並固守待援周鳳山素庸怯守城差可自固乃不

令起急空屯樟樹寇以七陳曾又懦警江西巡撫陳啟  
人追奔十餘里周不反顧邁與曾堅持根  
本之說視列郡其城固金石其援絕蚍蜉恭聞先大夫

請命獨悲咷鄧父請援吉安痛哭巡撫前庸駑駭軍聲

環戟鑿城濠終無一騎援坐與羣寇鑿曾軍弱始此況

彼西官胡楊需得罪以西北阿爲欽臣時危出奇計羅

軍退鳴鏡卷甲趨武漢三戰洪山高羅澤南從入江西

援武昌於是克義甯文忠發智略羣帥盡和調胡撫旣

婦崇通遂三復武昌文忠發智略羣帥盡和調得羅軍

傾身下之水師將彭楊不和百拜以謝諜黃金壽絳侯

卒還營自出門迎之故將士感激爭效胡先與文

官文爲總督胡以鹽稅歸之月薏苡餽中朝慶主試江

送銀三千兩官喜所議無不聽薏苡餽中朝披榛立軍府雄

南俱得咎至是文慶柄政與胡深相結披榛立軍府雄

爲交歡朝賢盛言胡才能奏上輒議行披榛立軍府雄

卷三

三

五古

藩囂峩峩 夾江帥者誰托托明德興戎揚瓜吉杭銳

無敵爭殫殉九犖蘇撫吉爾杭阿欲斷寇江甯榮老心

易搖大潰若散沙向榮老病聞蘇撫戰洪揚喜徵舛

杯酒自刎屠韋石又疑闕寇見欽臣敗退以爲大事已

正於酒半刺殺秀清並誅其黨所連及凡其隙懈可圖

二萬人石達開懼遯走乃又誅正以謝怡良督兩江和春代向爲欽

朝議未皇審承乏恨怡和臣降將張國樑能軍而爲和

所牽侍郎乃知難拜表還喪廬曾公既久將客軍不得意

其先墨纒出其後避金革議禮難彭吳彭嘉玉均議當

奪情與否斯時獨胡公虎視厲熊螭梁也張國樑亦奮威再得

登七橋七橋舊屯二福安徽巡撫福濟不經濟羣盜蔓

浙渦始聞歌九江已見哭三河

李續賓繼統羅軍八年四月克九江九月援廬

州乘勝深入所過雷兵比至三河尖有眾三千傷夷成

大半寇將陳玉成連撚寇三十萬眾圍之全軍覆沒

乎夜起舞金陵爾無虞一勝殺二李勝保再起領兵奏調續賓及李孟羣

自助取中旨促戰三河既敗六合禍池魚江北列縣唯六合堅守德

興阿屯浦口大營既潰寇大君時侍親還余欲上公

攻破六合知縣溫紹原夙之君時侍親還余欲上公

車者龍正吹毛鄧父子以修省城被議江西巡撫者齡布政使龍啟瑞批摺之共渡醴

陵櫟分手章江門獨往訪麻姑曾侍郎仍起援閩余往視之於南城吳山

看興八年除夕登吳山歷下吹客竽九年除夕慷慨

燕市游正見斬屈釐八年大學士柏葰主順天試闈節事發斬之柴市余是日至京橫

尸厭長星彼从輕一芻初磨勘特以鄭王端華怡王載垣尚書陳孚恩等監之禮部主

卷三

三

五古

事李榕侍門外聞王大臣言科場二王怡鄭不逢政順乃

事忽云今歲長星出亦當消伏矣鄭怡不逢政順乃

顏敷腴戶部尚書肅順自喜忠國謀五字算錙銖皆以字爲號

宇有五四夷內滑之讖也官吏宿將倚林沁三賢未相

多虧空官本乃興獄多所逮考宿將倚林沁三賢未相

孚猶謂堪粗使領隊防大沽帝患羣議淆和戰互從

與賜酒祝戰勝聖心得窺覷英吉利以互市入廣州

我設海口防以僧格林沁將怡鄭肅順以其外藩王輕

之僧格亦不設溪論已陞辭猶不知上意文宗御

門賜酒曰女飲此必戰赫赫名王將託之鄉練夫全勝

勝乃知意不在和也不能武公侯空守株夷舟入見陳兵問之曰團練也欲

日不知也於是拔樁直入伏礮起擊沈其二船損其

二船其餘十船出口空停東海岸半載買馬習陸戰

子勝愈餒湘陰郭嵩燾從僧在防所尹生危論據御史

書來云戰勝而人心愈餒尹耕

雲七疏刻 余游拜毅中嚴翁誦瑣瑜余為肅順所知

處嚴丈正基手 君從南陔膳欲種秦人桃石眾忽南趨

書以立身相誨 卅萬攤魚然湘軍久益傲外強中實瘠貪將領游兵爭

長互訾聲李蔡品下中來援氣騰畝爽濱分兩屯沸沸

如羹蝟兩潰各鳥散論功賦形囊寇懦貪合眾徘徊

荒嶠其魄已天奪衡湘勢翹翹九季寇將石達開以江甯內訂自領軍出犯江

西湖南二廣之交遂圍寶慶眾號五十萬所過三日夜

人馬不絕時湘軍已不能戰而湖北遣李續宜來援尤

驕庸巡撫虛心以聽屯資水北數十日不問戰事湖南

諸將屯資南亦不敢與續宜論難寇潰而奔追者亦潰

而在外湘軍皆氣奪矣軍輿論天幸惟有此役耳 吾生

信多憂南望感塵森君又故鄉來躡履相迎遭青春飲

酒樓劉興化劉莫獨山莫友芝 共歡醪鬱鬱不久此行行恩

鱸丹陽敗書至吳中如亂麻十季張國樞敗於江甯城下和春奔丹陽寇逼

丹陽張戰死和走死蘇州城外江督 征途恨苦短官程

何桂清遜上海寇遂取常蘇松諸府 匡肅始謀帥關防落東流時

恨苦奢余與鄧同出都鄧分道員試用浙江 皆謂江督宜在曾侍郎貴近臣不願也余聞肅云初欲

舉曾而軍機大臣匡源奏對言今日江南糜爛非獨何 桂清不能定曾國藩亦不能定然何練習且可觀後效

上乃責何恢復言者論不已始命曾開府於東流

屯難相糾結蛾賊扇撚苗蒙城貢生苗需霖武斷鄉村

安徽河南之交皆奉 苗貴州台拱諸苗回雲南回人杜

其號合遂有異志 出劫掠黔楚間 文秀據大理

陝西甘肅回人 外傾動英法內吹噓 泊舟天津口法郎

西自明季立天王堂於直省為西 道窮世運極將弱藩

夷入內最先之國外洋皆嚴敬焉

卷三

鎮粗余東竄祁門建策擊長蛇收吳既鞭長爭徽又脣

焦曾受命後奏云即日從安慶渡江以固吳會之人心

豈人心以遠為固乎今宜率師從淮揚進常鎮而公弟

國荃攻安慶左宗棠出浙江應皖南乃得形勢耳不聽

張芾駐徽州以萬人分防百處余又言不得已且可至

徽州以固周天受甯國之守弊以張狂彼不可往余云

往賀且請行日曾忽曰以徽兵之紛紜而子欲陷我其

中子往則可我不可往余笑曰請來余明日往矣古來無請援王邵謬

奉書君無申胥誠久佗仲連居浙撫王有齡遣主事邵

笑曰君誤矣迂儒罵賀蘭進明自艱難得九死幾與祥

古豈有軍可請而發者浙江果破聽勘新撫軍中時

興誅鄧試用在浙城破例奪官聽勘新撫軍中時

階下囚浙藩林福祥總兵米興朝俱以失律斬軍前

官文劾湖南劣幕左宗棠舞文受賂提訊拔用

轅門朝出使臣察辦胡為行七千金以免

賜軍鈇左以三品卿銜領浙彭湖遇我舟精卒氣果殊

支吾衢饒內犄角濤皖途安慶得瓦解胡公賙黃墟一

季八月攻克安慶其月胡薨恨無勤王用掩涕昆明湖十季英吉利

先幸熱河土寇假吏兵焚劫淀園變初聞胡入京師上

曾合奏請率勤王兵而又自云不易成行胡肩輿入人

國談笑已亂牽英吉利使臣入東使門諸臣不羞恥死

謂兵燹遭京朝官唯管園大臣文豐及主事余生塊土

餘閉戶每畏搗東南稍及西斯民盡如茶之銘非焉

術假息乃狂且雲南撫徐之銘寄命回將乃狂惑自恣

之於曲端又殺總督潘鐸朝廷不能問田郎興信佼童

亦建欽差身川鼠爾何跳使我良友殂鄒陽黃涪熙攻

卷三

五古

遠中伏死回濼闕濼中芾也烹如鄭張芾說濼中謀遷誤倚

斌時議都長安詢陝號弓俄委裘祖制重顧命姜似

不佐周誰興同道章文宗嗣肅順巨源等及載垣端華

禛祥諸臣請太后同省章奏以發翻怪垂簾疏御史高

垂簾大臣擬旨切責太后不能召親賢自勿據天圖

畷之費一紙曾不驚殿蘆恭王奔喪定期還宮奉太

收怡鄭於朝房拏肅順后皇帝先一日入京其日

於蘆殿旁俱賜死祺祥改同治御坐屏波離四國

通五口和戎脫王弧海波識聖人獻稅助軍需上海議

會防薛楊笑匈奴和議既定上海設會防局夷人增稅

均見輕辱江督斷消息潘龐悵云盱蘇人潘曾璋龐鍾

卷三

五

五古

鬻將帥今李勝昔雷初江蘇舉人錢江等具餉募土成

鼎銘等復買輪船載金請曾國荃不洋槍響青浦鱗介

往改請李鴻章以福建遺缺道員往寇將已失勢奔

盡冠綬夷軍會攻而華爾白齊文皆易

命救江淮寇將或欲和夷霖乎狡更愚烹狗召人猜苗

霖本結懃洪二寇及陳玉成敗於廬州苗誘縛以獻官

軍苗後亦誅死玉成號四眼狗先時節鎮騰書並以烹

狗相額也況有程將軍學推鋒破如椎程降寇夜率數百人

壁下呼曰追寇在後不能釋兵信我可開壁相迎不信

亦發礮相擊曾屣屣出視傳呼開門程以此感激效死

從容要還置酒席中悉引斬之自入城行諭徒黨解散

十萬計功成未幾創發死凶酋失志死同治三季洪

英吉利求其大旗以歸

城自然開 二年十月復蘇州三年二月復杭 張苗更么

魔日午消氛埃 然寇魁首張樂行二年二月被禽 獨恨

良將殂蓋屋蹶龍媒 軍興善戰稱多隆阿安廬皆其所

圍餘寇於蓋屋 促戰中殿死 趙奢揮賜金廉勇信無儕思引寢兵賞

悵望龍江隈 多子雙全家居黑龍江衣食不充詔問乃

以爲古今廉將 知之將軍爲沐浴給衣履時人莫不慙歎

殆無其比也 西游既改旆南走登朝臺 余初西游

軍俱行既以路 阻遂至南海 文理感秦尉貪泉恨蠻貊本無丹沙顧

甘爲越女畱一言拔管媾七貴芙蓉胡 余在南海聽歌

頃過舊寓悽然傷心眾人癡笑之余獨心賞贈以詩買

之同歸今生二女遂爲妾其時廣督毛蘇撫李鄂撫吳

湖督官及巡撫俱騰書相告以爲談柄余告曾文正

以爲名動七省督撫也曾先以取妾爲丁果成所譏一

見卽問曰君不畏丁果成邪余曰先告之矣曾大笑曰

奏明在案也然丁好窺觀人家姬余妾出拜後欲強丁

再入丁固不肯 未隨戈兒放 鄧于南昌圍中納一婢龍

則兒可知矣 時不宐宴安余曰此易耳名之戈 且逐鴟夷浮 余寡兄

兒以志艱難可矣後鄧竟遺之 妻居不能不在城市既 聞喜韶石下東芙蓉觀淮渦 余北

買此妾遂移居山中 曲江見破寇羽書過兼得安徽巡撫唐訓方書 南人愧

云臨淮畧定將謀善後并約余爲江淮之游 王偉北闕徵呂嘉 寇將李秀成粗涉書史城破匿空舍

倫交譽稱其才以爲將相之器余曰王偉佐侯景而以 讀書自負君輩正不讀書耳初曾侯請獻俘詔令送闕

而又 童孳何足俘三帥好傳譌 洪秀全子天貴自江甯 斬之 奏言在湖南李亦言其未死九月果從浙江 沈左更騰

走江西眾散獨行入石城降奴識之乃就禽 章疆帥互謝詞 江撫沈葆楨浙撫左皆與曾侯將將反

卷三

美

五古

違材牽船策疲羸水師提督楊岳斌以左督論薦授誰

云敗駕馬終類畫足蛇楊至甘肅不勝任旋罷曾侯工作奏言錢

空縷觀平吳爭大珠奏凱搜裝馱徒增俗訕笑但訝涉

夥多江甯克曾奏言初疑寇有積金可富國嚴密搜求實無之而恭王聞人言曾弟買臘箋一捆費三千

金馬生驟建旗後殺比陳陀時驟用馬新貽代左撫浙後五年代曾督兩江已而

張汶祥警殺之太常少卿王家璧謬以為蘇撫丁日昌所主使朝出刑部尚書即訊不能明乃優卹馬而處張

刑以極果威荷柱石湖廣督官文以功封文武兩無施征

車過斬黃老幼詆煩苛王軍恣驕橫與寇共蹂躪僧王軍討

撼寇縱掠男婦民詆轅門者王蹙額曰北軍離家久女可少避之功臣稍見輕幸門忽

已移快快各移鎮露刃已參衙寇平曾國荃乞歸辭浙無曾國藩討湖北撼寇

卷三

毛

五古

以李鴻章代為江督李鴻章曾以洋槍小隊自隨從登堂寒驢三山街聳李對怨嗟

時李鴻裔署安西糧道語余云頃謁少荃有地老天荒之恨置此他人事翩然跨青

羸敲冰渡濕水舉酒聽易歌行宮訪盛衰夕望蓮花

池清苑行宮在蓮花池燕趙古疆國民貧邦薦瘡黃河

改北流麥地成沙坡其人勇盜殺見敵不肯訶北狄我

外扞積弱折入俄國家用賈生五餌之策與蒙古和親漸習華風貧弱愚惰然俄羅斯漸收

其雖云南風競常恐畿輔虛餘盜復北窺忠王墮劍韞

四年撼寇放直隸及大名而還走河南僧格林沁拒戰死急刻不御眾士以帥作囹

僧王吝爵賞而募勇銳眾怨且懼伺其深入各潰散而還遂以大敗朝驚喪張邵六傳何

紛拏五年詔曾左官李及山東撫丁項籍百勝僵荏山

雨滂沱方知敗爲功豈恃天眷賒諸軍屢敗而至益眾寇走渡徒駭河會雨

不得濟新軍促至眾黨遂潰勞民汔小康旅人亦倦游歸來營石

門聞君酌茱萸水經注資水東北出益陽縣名之茱萸江山川信清暇英彥

美歸休時平儒業興經史稍尋紬冥悟宣夜學環轉北

極球西夷算術言星地運鑑石墨家言光重窮眇幽西

所傳光學重學行余定爲宣夜家言曲藝語郊人今與太學侔奏開同文館

臣倭語伊嚶詞例舉貢正途四品官已下乃得爲弟子

太學士倭仁同治七季開同文館習西洋算法仍仿鴻海外奉巨子拜堂稱敕修西夷墨學奉巨

爭之以疾罷天父有神父手執入爲規矩巨即架也自康熙時建天

主堂於京師直省雍正初毀撤及定和約又悉予以故地而四川貴州湖廣直儒徒黜異術編館婁相仇湘潭

隸及京師仍復修立衡陽

卷三

天

五古

貴筑吉安九江疾之又已甚醜語成誣謠民間競作書檄言天主堂

姪殺無人理天津謠言教堂藏人目至二百賞缶盈鬼日稷街傳王母籌民訛

驚廟堂謝過詔毛勞湖南撫毛鴻賓雲貴督勞崇允均

竟成天津禍的火奔八騶奉詔修復天主堂償銀人一萬兩

崇厚又驚堂主豐大業手火槍驚侍郎

天津知縣堂主豐大業手火槍驚侍郎眾怒信難犯淫刑及胡雛督撫畫閉門丁李

載飛輶蒙恥甘作詐千金買人頭天津民開殺豐大業

人有商婦攜子還渡浮橋亦殺之於是法夷將稱兵總焚堂館殺法郎西

督曾國藩託疾去位急召李鴻章代之以丁日昌多智計令主和議出庫金三千騰章贊天主清議更嘈嘈奏

不言教堂之不可立與游民毀堂之非公義乃云天主教意在勸善故京官大譁騰章責之曾復書云漸清議

也洵洵值一芙局促憐轅駒請纓不我許自愧終軍孺

曾作直督時余與書言公不諳御吏必欲與英沘交涉者互舉我以自佐不報長沙賦嘉會

三駕北道輶是歲余嫁女於鄧子城南舊友復集長沙故有嘉會篇同年余入都重尋保

安寺悽愴洗馬溝保安寺昔與鄧同寓處也淀園御溝古洗馬泉龍高屈墨殺

龍汝霖湖耕李榕悲踟跳嚴子激浦嚴咸既蘭燒張叔永綏

張世準困萍僑圭璋不自達金石疇能要喧喧冠蓋會逐

逐塵俗馘執戟君昔歎挽輅余今愁 諏咨帝京俗積

弱自明朝分權建閣部牽繹徒絢繆樞機內廷議取旨

造郟交 上前患咙襍頭壑專魁杓同列雖與聞有翰

可駟駒明制防宰相專政以大臣領部以小臣直閣

然不能無顧問故先有三院後有軍機房行走雖多人至上前自宥以一人應對於是最前一人仍不異獨

相所謂跪頭壑者也咸豐中侍郎杜翰行走次第四論

吏部缺人上曰杜翰轉左當謝恩而翰不動推之已

熟睡其吏銓案籤格所利惟鬻賂戶曹計賦役丁糧混

間如此 一條京米五致一河運煩牽舟旗餉不裁制兩困貧無

瘳承疇豈尸咎綠營亦坐偷因仍養兵費耗食同螟蝨

禍始唐藩鎮至今為贅肱八旗人增一丁歲益銀餉冊

自給而定制限居京城中出城門有禁咸咎洪承疇以

為懷二心欲弱滿洲也承疇偷生視息豈有遠見及百

季後乎此亦準綠營養兵之制耳自唐以前無額兵雖

有府兵田特如今駐防之制盡郡縣而置兵蓋始自宋

宋因五代藩鎮養兵慎刑重民命獄詞無一輸昨者戮

元功不憶賞狄俘西曹爭產瘴獄貨飽姦胥都統勝保

死讞其罪云不應取苗沛霖之妾也山西富民爭產獄

三反唯論媿婦有無生產痕彼媿冤不得雪而千萬家

賈俱禮臣不議禮工作工侵牟憲臺許風聞近歲寒蟬盡矣

嗚左都論加賦反黜為國羞同治十二年左都御史胡家玉論江西加漕江西撫

奏辭顯違祖制反許告如以人廢官七卿盡悠悠六部

都察院明史謂之七卿加諸寺愈充散囊粟不充廚近

者大常樂日壇陳月夷人入京大常失日壇樂器乃用月壇樂以為垂簾之祥翰

林學山淵不識古鮑昭咸豐十年試南書房編檢擬鮑照數詩皆不知所出吾鄉

有周壽徐樹通博人中豪京中言翰林詹事中能文學者有二人李張也又有半人

不得其名周尤惡此言人因云周恐為半人也余問李

李笑云此必半人所自言同治十年試貢士刑賞忠厚

之至余廣詢館人皆不知所出乃得之于世族數潘陸廣勇編修館中猶當有人我未之見耳潘同李田翔寥寥謝維許禕不知時願舖程朱糟

卷三

三

五古

修文在此時余實愧英髦寄止靈臺下賃馬供芻楚

昨者盜窺鄰伏屋升若猱五城佐京尹步軍設游徼職

分權力輕民稠生業凋標劍劫司寇懷刀狙直廬咸豐十年

盜劫尚書靈桂御史奏言大司寇少司寇家均被寇同

治九年軍機大臣寶鈞言中飽太多出朝房有飛刀刺

之者執訊言醉狂竟釋不問黃編吁嗟下翫法匪獨相

攻鈔羣臣議大昏崇儉數樓樓寶衣費巨萬織造撥民

租國用誠乏財財糜國未痛舍大而撫小外嗇內欺誣

矧今增釐稅庫帑不供儲子口七百萬和戎利在予昔

貧今已富算利謀誠迂胡為握大錢頒鈔供官精脂膏

潤內務宦者相染孺安子小黃門御前頗承趨初無城

社託黃緣畏鼠狐熱車游九門廠店椎珊瑚愚儒好憂

天安意侍帷幄御膳供粗糞微詞傾六耶外間傳安得海供膳用粗

蕢器聖母問故對曰昨六耶言宮中求或云謬啜茗

取箸疑亞夫又傳云恭王每入對常賜茶一蔡生好

抵讖奏上生崎嶇危乎臣不密嫁禍翻怨倭翰林編修蔡壽祺奏

劾恭王王嘗言蔡不在翰林及奏上太后怒遂罪狀

恭王幾不測蔡先以奏太后怒遂罪狀

奄豎寵殃淫厚其辜制嚴城門禁邀敕觀杭蘇龍旗炫

鬲津密帖令要遮王林不自脫歐刀徒見汗鄉非失堂

奧終亦費驅除安子取中旨往蘇杭催辦織造恭王以山東巡撫丁寶楨奏於德州執斬之

卷三

三

五古

如張彈文錫言淺意有餘方矜面謝恩已恨瑤殿枞內務

府堂郎文錫有殊寵賞賜二品頂帶其父總管明善方

謀所謝文錫還言已面謝矣明善以其子驕恣恆持齋

求免禍勢傾一時同治十一年御史張新政光日月補

景青劾罷之其詞斟酌得去佞幸之術散館試士弟一人

天德維媧小臣頌堯舜抑絕懲諛阿嚴辰有女中堯舜

語降附二等改部屬李公進麥歧邊都相切瑳直隸督李鴻章奏

刻其獻媚主隆康高宣臣無靡傅番水旱時丁甯六月寒

侵膚馬首余欲西恆衛水揚波愁漂總督印同治三年陝甘總督

沈兆霖道遇雨溺死云為雷所攝且逐黃河槎揚帆渡張秋大野派通

荷漕運始郡縣陶唐致凌羸自唐人誤讀禹貢乃有漕

貢米挽輸誰厲階三朝勤濬挑黃運建三督歲費巨萬

饒庸人一生事狂流日滔滔賈讓復妄言棄地廣河溝

於今行上策青徐歲淪鋪昔建疏決議余思借疏杷黃

河改道山東直隸歲損民田廬賦不登者數千萬以什

一計之民失業數萬萬矣咸豐九年余代山東撫作奏

請濬決不果上今西人頗有機巧緊古禹益垂共工實

可因此治北方水利賢於造船礮水家上匠作機器豈為商貨輸左伯忠髦船政謬可

嗟將令夏變夷好勇乘浮槎盡昇旋般昇學巧焉得踰

毛公和稍錚錚策士詢河渠同治十年會試舉人策問

章則通鐵路效梁請一車梁孝王請一車之道自國通

直督李願欲修焉彼哉不知本非墨還非儒儒術迂已絀羣言

淆已蕪 宿遷覽荒城清宵鳴夜鴉旌節爛袁浦邂逅

陪秋蒐十年余南還于王家營霜登項羽臺鼓吹響晴

洲追惟共艱厄始復歡唱酬尊前承善謔願比好仇

鎮道公宴優人說王小二余云此必中堂意也曾問何

以知之余云咸豐中欲說此今始說耳王小二者被筭

筭不開口曾昔與左書引此誓不通問故余以此諷振

之且為左解曾笑云彼臥元龍百尺樓豈能如君言振

衣登北固還船入大孤南浦水猶碧華年鬢獨梳聞君

渡五領歲暮吟歸與桂水望佳客省中攜少姝鄧時攜

西撫劉妾客廣初辭校書職旋避參軍除鄧在長沙分撰通志

文用既云寡修塗亦已紆還歸忽不樂送郡多揶揄  
長沙舊游地懷舊空時踖矜夸冠蓋盛恐懼山川枯昔  
吾從先進儉嗇仍瞿瞿尚書著釘履贊善囊朝珠湖南

去鄉居自咸豐軍興乃有仕宦之習道光中賀長齡官  
總督歸猶泥行著釘鞋龍球赴姻友集宴輒以布帛盛  
朝寶筵設空俎春盤登四孟雙以爲十內皆有一盃盛

匙既上客主分匙其盃遂空用之足數不復撤去盃圍  
莖嘗論之以爲聖人之制也丁敘忠言嘉道間元旦後  
鄉人出賀歲望門入謁無問識不識輒款留設酒肉菜  
四盤而止數日無厭倦好游者於五十里以內往往至  
客必九盃而不得食者多矣鄉黨忘貴賤士農安名疇

君婚族饒富少玉矜簪裾鄧妻族父唐君玉時號侈靡

世愚姪治名以加廚有鱸鮭菜門停間府州唐嘗於正

始萬氏萬貢珍爲布政使頗留意肴饌其廚籠燈出趙

家始官出二圓燈前導謂之羊燈鄉人雖官一品還則

雖商賈亦以羊燈書官銜矣黃居於趙家坪同治初趙家坪之名籍甚 烝烝向一紀里巷

竝囂譁學徒襍兵子卿將賣鹽茶軍興通鹽票又設茶

言狎漁樵 嚴冬役車息祀竈春資饒人夫忽塞門倒

屣提巾禱且傾饋歲酒徐語契闊由披圖感桃燕余有

不述一墮如牛毛况逢親政初方略進宸霄西陲亦已  
甯伊犁望旅葵甘肅內地底定軍出嘉 陝桑旣成陰陝

卷三

三

布政使茶陵鍾鍾麟 蘭粟不流膏左督禁甘肅民種鶯粟花儻宏維

新政豈但收桑榆昨聞罷園工十刻跪青蒲林表箴富

平魚服戒余且東朝抵冒絮武帳被珠襦十二年七月晦文祥奏諫

修圓明園跪對至十刻及至直房愴不能起明日太后御弘德殿責逐諸監懼非盛養意陞

桓不相踰所貴嚴四輔宏綱略不苛參泰非大德政舉

在黎儀且如寇亂初貧弱信虛枵錢漕十無一征繕眾

愁騷司農但坐嘯客帥車佻佻籌餉名關戶部督撫不

榮屯江揚及僧格林沁主游擊者有足餉自餘取之各應付凡欽差大臣唯向

省十不得一曾文正每云吾飽諸為客之苦又云欽臣賢則見忌庸則見輕故泊乎閩外尊胡文忠李鴻

多敗績無益於軍事也章遂雄鷲

唯聞軍中富未奪農耘林川鹽滯淮綱吳楚請借銷國

卷三

五古

五古

疆信由人患貧枉曉曉祥公秉鈞軸所諫何杪漂卽今

西域賈互市非侵鈔制之一魁吏遠貢可坐招矜張海

防禁破淩成癰癘愚儒與國議誤誤還相樛秦衰始泐

密周末患文稠晚尋道家旨熹羸試溉鍋三獻幸未別

褰裳尋薜蘿 君家隔邵陵近歲長松柯令弟懶不仕

屨枝拂青荷時開冬醪飲醉惜年蹉跎默數二紀來憂

樂互舛差邦君訪南漪南漪余與二鄧晚步之地在武岡城南資水旁張憲和知武岡

與余書云清吟未歇也昔夢已遽遽且宜酌公子余假居常氏莊常豫為鄧同年

豫死鄧挽詞有云過大梁者尚想夷門也還歸報臨淄琴酒可延年道德可

應時三人必有師所見盡著龜余歌勸君飲陶然入無

涯君飲醉不謬余歌醒獨宜近追何曾唱咸豐八年何拭作除

夕詩首句倡云後有千秋遠續壬子詞燈明雪壓屋酒

煖春生卮密橘那可致往爲消寒會供南豐密橘一斗爲余夜饌又別貯橄欖三百枚

鄧弟啖江梅相對垂鄧弟招余至武岡書云小園梅四立盡十株紅綠相間余未能往及歸庭

梅亦花矣昔與李樂平論古今梅詩李云江邊一樹垂垂發此句弟一偏弭豈無感彈之

智者悲側聞離騷義尙恨莫我知余風肆且碩爲君詒

世規

得董研樵秦州書秋夜起作寄贈

室遠思不遐別久意如新涼風起庭戶始忽望遠人良

使從官政黽勉徂三春朋從怨睽違岷俗念相親獨居

卷三

五

五古

恆早寒企彼勞霜晨浮雲日夜驅隴路一何勤豈不懷

遠志闕略楚與秦惟恨平生歡懷此比目鱗秋華尙可

期嘉會近無因欲振飛鴻羽千里一來賓

乙亥長沙秋集詩六首

黃永州宅集因贈

於是欲無言閉關非養高桂蓺睽眾賞造請信徒勞間

階秋氣鮮且復蓄清醪持觴不期飲佳此風日陶端居

視徂季衰盛迭怛怛休明不可久軒冕謝時髦鳳鳥人

不見雲龍君不徼宋宋元禮門顧已愧場苗

九日朱典史宅集

八月暑未徂時菊豈能芳佳節及晨興惜此風雨涼畝  
室有餘清高談傲羲皇閒居閱榮落斗酒勸流光炎炎  
不復久寒露下嚴霜征鴻伺雲飛鷹隼候風翔煊涼變  
倏忽何艸不元黃誰能登高丘曠覽使我傷請從瞑居  
變伊洛有笙簧

九日後二夕楊兵備宅集展重九余登舟將發已辭  
復會留宿張力臣契園明日舟中作楊寄居浯溪時  
湖南鄉試發策誤以浯溪爲浯淺因有浯淺之句

閒居愛重九登覽貪晴晝獨有離別辰宐此風雨留高  
宴續墜歡明燈喜重脩節移景物新酒靜尊欄舊微醒  
散涼雨餘興妨街漏虛齋任高枕秋檐夢泉溜客散庭  
藪閒桂晚山花又良期在浯淺冥鴻度衡岫木落巖叟  
清無令負橘柚

歸舟寄贈裴樾岑

高軒日相尋童僕忘冠蓋蕭然連榻上澹若空山對清  
語逾十旬崇論觀百代歡游未云厭寒露忽已暖還舟  
候秋潮涼風振帆背乘流若俄頃回首百里外青山久  
余要良朋復勞愛欲以松桂情期君三徑內

重九夕寓宅集荅贈黃御史

晉游城南舍振鷺鳴離澤文明啟夕秀俊彥翩寥廓之

子馴實姿端然大廷客一耀本郡章再典州選籍從容  
步西臺未晒摯鳥百時論重激揚矧余厲風翻歡游形  
影間遂忘然否迹豈伊睽本心志節在益各承明子棄  
予里閉今猶管虛堂聽秋雨晨颺亮筓拍槐市事如夢  
明燭光疑昨悠悠二紀心湛湛芳桂酌拙疾俱偶然令  
名慰宋寔

遐齡寺坐雨贈曹鏡初

逢人滅聞見城市豈不喧宋然精廬坐朝莫開重門塵  
中鬱冠蓋伊余暇相存秋雨涼一展晨煙間一飡空館  
久已曠放浪迹與言寃親既平等孔墨道空論去駐各  
所宜茲景勿可諼

卷三

三

五古

郭筠仙侍郎出使海國寄懷詩一首

茗茗東北樓臨虛望日星念君北辰外龍節鎮南溟世  
儒多危辱戚戚守常經逢人似不爾道全無逕遊英島  
禹所奠巨子久來型同職忽異禮華風今始并秩宗大  
邦彥萬國感觀聽遄歸豈不懷使職期三齡風來玄濤  
涌東望春熒熒况我龍螭異夙管睽音形變矣信莫助  
長空寫屏營離居既多憂矧伊慕闕廷折衝縱橫事過  
化乃餘靈惟賢益人國當使巧技醒語默動招尤至人  
貴攫甯儻能坐光照四海無晦冥

報慈寺南齋作

紺宇存舊宮城蕪換人世靜泐無滅生塵勞願來愒因  
山啟高軒平望通遠勢曙煙蒙東齋涼月戀南裔有時  
長沙雨正見城中靄得地自超陵觀人徒藁芮釋子古  
泐王轉輪今已輟遽暇了不謀安知阿育利儻有物外  
游題詩記季歲

齋宿湘綺樓晨雨感作

登高見早秋清聽數檐雨重雲偶萋萋南國無乾土齋  
心易爲感如憂望將曙嘗粢及初登穫稻方在庾農期  
盛秋暘茲霖眾然苦淫潦豈天心沴氣有時聚澄觀識

所由端居信無補

卷三

美

五古

丁丑九日夏司使招集宐園見示新作還山奉酬一首  
謝生感旅鴈殷仲樂廣筵俱榮九日集未識人外緣良  
使多暇政嘉辰寄流連恆有山水趣溪居亦遐觀茲游  
耦靜契招客官庭前人閒地自雅矧靚池亭偏秋紅絢  
蘭阪露翠坐篁田時執不貪榮黃輦獨遲妍歡尋日易  
夕賓醉月已延亮無僚慄悲何必管與弭塵音愧高詠  
新圖預授箋逋客謝拙速庶使逸句傳

十月九日楊息柯招陪四老三俊集寄廬作閩重陽明

日賦詩紀盛兼補酬見和之作會者賀翁咎爲完令

又武昌頻有責言故詩中言燕歌西塵云

閒居餘高興蕭晨續秋設雲暄庭院陰時暇尊筵潔賢  
主總勝流處游盡時哲盈千數良會歷九迴深轍燕歌  
今再賡湘燭當重蕪英榮晚華疏葉傳禮烈依彼青  
松下卓然霜後節余欣陪杖飲杖志期朝澈經始東山  
舍將臥袁生雪二句忽徂邁下里仍牽綴方吟愴秋唱  
無患西塵涅

暫往東山楊性農丈寄詩見訊還城奉和

求聲倦櫻世處靜愔離羣偶有獨往興東山看秋雲良  
會歡未歇高談響猶聞夫子久林壑榻來旅湘闈晤對  
適所願揆懷煥新文溫如粹玉顏未酒意常醺城中楓  
葉秋山外桂華芬折麻勞來訊采蕪待霜昕

閱東安水道志憶前游慕物外頗有獨往之志作詩寄

懷云

山川寄物外車馬不能喧偶有獨往志霞石橫眼前  
游如有神今懷亦可歡散髮東山廬沈吟永桂篇巖虛  
午風靜松疏夏日寒村舍遠相望樵牧方來言豈伊慕  
靈契離塵是爲仙閒庭雖自清未若漱雲煙世事託妻  
子將從性所便

淫豫石

沂峽倦衝濤，虧雲見天缺。崖分崩石起，涖霧猶湄嶮。蒼  
素交嵐陰，寒光秀圓垤。浮煙疑海泡，淺瀑欺江鬻。影移  
盆石玩，響暎漁舟捩。設險豈天心，征颿古飄撇。靈島通  
孤焦，三珠若可擷。盤鷹駭飛波，潛虯樂回穴。題茲冠冕  
巫標，奇慰危隍。

金堂山曉行作

寒霜不入蜀，原隰冬蔥蒨。霞明陰谷曙，雨過晨光淨。披  
拂悅征途，曠朗開余性。攀林惜葉卷，步竹欣筥迸。幽如  
故山適，未覺殊方負。智公游已遠，段翳居難偵。表回面  
前坡，墟煙靄來徑。

卷三

早

五古

除夕行成都市遂至洗馬池

神龜肇二城，連星翼七橋。名都昔隱賑，閭里今填囂。繇  
富始秦守，興文儷漢朝。通衢揭百坊，市火燭玄宵。磁貨  
逢梯杭，川原貢沃饒。華實茂春蕪，蔬豆翠冬苕。士女閒  
且都，錦綺豔翔敖。朝尋葛姜宅，夕竝王郗鑣。闈肆雖久  
盛，隆替非一朝。二九門旣堙，雙江洫不潮。財傷杼其空，  
儒緩樸爲彫。方承古人未，恆恐季運遼。羈旅幸多暇，星  
躔將轉杓。適野歎何加，行國念我聊。撫樹臨霜池，翫夕  
啟風寮。追懷李固游，尙訪嚴遵繇。雄觀八州外，濁隱清  
懷標。豈伊夸天府，爰曰告軒輶。

己卯清明日題家書寄懷

輕陰靄庭樹高榮翼重阿晴鳩開林響午雀語風和馮  
軒望曲城碧艸送透迤峽雲互來途江瀨壅還波春華  
萬里榮我思一何多芳節逝不留但憶昔傷離丹英吝  
晚桃翠幕悅新蘿覽物情有初感別愛如何息心久無  
營騁望忽差池

院中翫月

初秋影無雙娟娟映北窗孟冬光稍遲遙遙在南階圓  
魄故如昨躔運倏已移情留賞仍淹步履久相期始吟  
涼露溥今恨絲霜滋還枕掩餘照坐帷鑿相思重簟久  
已卷清塵豈在茲回鏡朗室隅虛幌轉晨颺獨寐惜良  
夜誰云愆歲時

下新崩灘贈汰工一首

東歸汎平潮絕險餘江激崩石積千載哀濤苦驚譟揚  
舩旣夷猶傷流駭回眺習坎信有期需沙且詒誚虛舟  
縱所如奔浪反知撓迅急乘直波從容順回澗濫觴盤  
渦中曲折赴湍峭峽山轉晨光崖雪涌雲曜涉險慰眾  
心揆奇媚孤權雖慙郢人質頗識飛流妙將從呂梁游  
方逢斲輪笑

枝江守雪作

風濤寂清聽，舷重知宵雪。寒鴈旣朝棲，扁舟亦晨緹。江山美昭曠，洲渚悲飄撇。積素皓已盈，曾瀾映逾冽。疏森明遠樹，掩藹開雲缺。村扉晝猶閉，川路長安設。宴賞懷湘衡，羈游倦河浙。明燈更水宿，高枕忘霜冽。劉郭宅儻存，凌寒訪坻埒。

寄懷二陳詩一首

俊臣左遷閩臬，過蘭谿懷庭，作令九月己丑迎之官。驛談次，共有相憶之言。十一月書報成都，余適將東歸，踰月至洞庭，夜雪舟中，復憶巖瀨雪行追事，懷人因寄一篇，記其情款云爾。

離會恆有期，游宦俱在遠。悠悠四海內，戚戚良朋綬。江山長鬱紆，蘭葦有時晚。馳書心不近，告別情仍返。返情非近心，薄旅動孤吟。暝辭石鏡月，旦發巫雲陰。還波無急湍，弭棹絕招尋。江湖漾霜淺，冰雪緬途深。途深阻三州，東西萬里餘。小邑寡人事，橫琴對牀書。念存空谷音，果邁鳴騶驅。殷勤負前弩，歡笑停高車。高車倦王程度，領復遄征季。徂客鬢華官，遠使裝輕睽。心積契闊握，手道平生明。鐙穀水驛帳，飲秋山晴秋。山秋葉黃穀，水西風涼。媛嘒感峽路，鴈虬悲天霜。情語慰沈浮，憂時歷炎涼。嗟予獨遙夜，知子共離觴。離觴促夜火，人吏還脂輶。

飛旌背邑去拄笏看山坐書題訴歡忽逝節驚駭駢勤  
役官政煩晏歲歸期果歸期澹澹悠歲晏浙閩修昔吟  
巖灘雪今阻洞庭舟時平戍鼓息事往浮雲留懷人白  
蘋望從子赤松游

湘綺樓詩卷第二

卷三

聖

五古

長沙湘潭王闓運字壬父著

和招隱詩一首

物外亮有人駕言訪寥闕寥闕非空冥川巖秀幽拔東  
徑延漪嵐西廬翠松栝霞采幄金光谿琴散清越月露  
思裴回返霄覲天末靈期超神理頽音委哀澗豈伊倦  
將迎因是回天幹悠悠戶庭閒瓊芝庶可掇

從孫巢山行至梁山作

登陟未覺高谿行盡回緣七盤下松底反出羣峯顛高  
原橫溪谷田水如清川幽曠邁二奇趨瞰俄九遷雲光  
散春氣曩嶂聚寒煙晚花繁岫桐晨響切嘒鵲旣驚節  
候移稍厭谿瀑暄奇境難久居空令世外傳

晨登杜巖

乘車入鼠穴挽梲潮雞棲旣厭平路平喜躡梯雲梯三  
陟窮杜巖曠望得高畦羣峯散螳垤襍樹蔽幽谿疏櫛  
性孤直密竹意低迷遠聲應春禽出谷引晨雞時煇物  
欣欣生理豈不齊儻有山居興知余好攀躋

成都送別黎侍郎培敬

有序

簡堂侍郎左遷四川按察未一年被命督漕超階

錄功寮吏咸喜闔運與同縣嘗共公車之役賓客來

言者若賀其私榮焉夫寵辱時也功效人也昔者周  
召以二伯兼下夫夫之職朱邑爲三公而恆思縣尉  
當其達則褰裳而去萬乘惜其績則歛獻而望龜山  
君子之仕也非爲己也侍郎嘗撫黔矣披荆棘立軍  
府戡定艱苦之功著於天下及以微過免人無不爲  
黔惜黔之人亦爲之惜惜之者其爲公耶爲私耶吾  
不得而知之他日侍郎歷官或督連圻或入掌六曹  
贊樞機要必有遷去之時去之時亦宜有贈送離別  
之情其或喜耶或惜耶吾不得豫知之而唯獨今之  
去則慙然知其不可喜也蓋蜀之不治久矣自咸同

卷四

二

五古

以來日甚督府丁公毅然不恤而獨欲治之治之而  
官吏喧囂人人欲去之賴 朝廷清明孤立三年而

未有助也有一二能者則羣曰督府之私人其人不能  
與眾和則亦自私於是賢者中害避怨而不肖者  
得志侍郎之來灼然奉 天子命又屈居僚司必不

宜阿私長官乃其言行所趣舍不謀而同於督府眾  
之喧囂者至是而自疑黑白是非幾判矣始稍稍向  
治終猶以爲不便復稍稍撓之聞其遷故大喜夫遷  
去與罷去等耳而失此治蜀之機是可惜也俄夷之  
謬議動搖中外言者疑海運當阻塞而議渠漕用是

有此選不然漕河之職近二十年爲閒官孰與治蜀  
之亟乎且漕河積習湫往者名臣皆身被謫議然後  
堪其職侍郎假欲行志亦必人人祝其去其委蛇以  
求容耶則何如居蜀中猶直道而行有友朋之歡然  
則公私之計皆未可去也且傳舍其官者必有傳舍  
其身之心侍郎遷去必不自喜故攄所懷爲詩以贈  
之詩曰

超俗縱奇懷徇物傳德音脫屣九州外而無遺世心汲  
生臥淮陽王子陟峽陰河內有畱愛朝歌非異任清風  
灑凡累之子復冲矜天機照不淺澄淵鑒已淡解黻寄

卷四

三

五古

蕭散宣條化愔淫如何不煖席重此汎江潯寵恩固非  
已甄聖豈徒欽未聞青驪駕已動鵲防吟良會不我覲  
他時念蘭金

保山劉樹義罷豐都客舛成都其子錫慶年十歲來舜  
行云從母將寓長安感其進退有成人之度作詩送  
之

孤兒易成人有父恆驕癡送爾忽自念戚然臨路歧伊  
昔游京華二劉數追隨溫溫未婚容碎穆珠玉懷志遠  
來日長奄倏邁乖睽歲月非永久婚宦再不諧況彼雙  
飛鴻比翼復中違契闊二十載始聞挈嬰孩臥疾華陽

城迎客不下階見爾几榻有出入未勝衣嚴霜盛夏零  
一月被兩縑羸瘠感行路矧余在交私北也亦少孤隨  
母共餽糜煢煢不料生豈曰耀當時譬彼木有由抽擢  
十丈枝皇天無私榮春露有由施易成良易傾爾其慎  
威儀秦蜀非汝鄉燕吳不可期茫茫四海途子子一孤  
兒期望非過情舜顏在所爲  
出湔口汎沫至宜賓江口作

霜陰藹川游歸棹鏡青衣碧瀾尚秋光高興恨悽微鏡  
吹激空聲偶發曠遠懷泚沫昔奔濤巴蜀阻嶄崕良守  
開二渠杭道達雷坻枕席千里途衿帶絡滇夷江沫合  
天光異色共漣漪秦衰禹甸荒方望日譎移江原旣徙  
湔灌塢不臨厓微我獨觀古閒游固難晞頃來訪湔壩  
復此眺泚眉熊耳秀可攀犀灘浪崩積空勞利濟功豈  
慰羈宦來方舟自茲遠伊誰念臨圻  
泊絲維口感亡子歸舟所經淒然有作

卷四

四

五古

船音切寒曉兒氣黯江沱思子情雖異長離終奈何橫  
舟臨絲維懷抱忽蹉跎漫漫兼路平悽悽古事過每每  
舍蜀田坎坎聽巴歌二闕久已夷符湍今委波甘林綴  
丹纍石埒倚青坡無嫌山川迫寬閒在澗阿招隱不同  
歸甯謂佚我多

登塗山題塗君祠

江州苦繁隘巴都亦喧僇不有曠覽區豈得江山妙晴  
森振霜皋選勝移征擢既秉皇古情遂卽神禹轡塗祠  
自堯年闢宇臨奔峭因巖不勞館隨石斯爲燎二軒谿  
煙雲嵐波動光照了然臨城闌物外非溪窅回風磴前  
轉初月林端搖日短情易延崖荒夢難繞營榛阻何年  
明德久彌邵涪蜀憬虛遐勞君鎮津要

巫山天岫峯詩

并序

名山洞壑皆地穴潛通余所經游唯歷城龍洞出於  
山半辛巳仲冬歸舟至青石洞從上游望巫山見一

卷四

五

五古

孔在千仞之上曲屈逗漏背復見天登眺絕迹竟莫  
測其體狀然從下望穿處前後相對嶇嶽參差如雲  
壓花葉光影斜距知非石體穿也凡山石內秀嵌孔  
玲瓏而峽內諸山千重純石峭峻魄嶮下臨江湍旣  
阻登揆莫窮其變至於蔽曦虧月素瀑哀媛未足云  
奇虛勞昔贊前余過瞻謂其無異凡山暨泊南浦乃  
夢神巘翠峭空靈岫壑萬態旣覺喟然豈帝姬之示  
悟與又攷宋玉賦知高唐齊地神女忠規乃作山祠  
銘陳先楚開國主山氏巫之義雲雨朝暮謬解克正  
焉夔守巫長爲刻石新廟再過尋訪始得青石洞舊

祠所在十二連峯果異羣嶠又賦詩一篇以告津途  
今此眺矚彌覩瑰瑋所謂徑路絕風雲通三峽萬山  
皆成雲氣固非一北一壑畱連賞心者矣巫山所在  
距縣治遼遠遊宦過者莫知尋訪既至阻絕又懼風  
波自古詩詞徒誇高險靈山隱迹不亦宜乎余楚人  
也國君麋熊親爲文師先正屈原自夔遷湘開今湘  
蜀舟行之路江湖阻淡芳菲靈異遺言闕義具在楚  
詞津途四宿頗又彌習冥搜仙契事豈偶然夫帝女  
主山大邦之望今古瞻禮不異崇隆旣不聞瀆詞受  
譴豈遂示靈於一頌然山川出雲實通志氣惟申及  
甫且荷降神眇焉一塵詎忘稟潤輒述所經見兼制  
其山名曰天岫峯以待遊覽者改舊峯之名云

聖師啓石林帝女掌瑤芝連峯隔人境峻麗絕攀闕眞  
賞世所無神光固不虧臨泛經三宿暘雨皆曠怡空翠  
果難名僊幻爲誰施一穴巧通天雲日影透迤峯嶽龔  
氣母瑰質盡靈奇圓岫出青霄揆陟路無階羽化未始  
尋矧彼蜃鳥微

汎江浦入沅始至酉港湖中作

晴霜靜汀洲天水相昭曠朔風振飛瀾枝江得融漾湯  
湯赴都會洞洞轉濤浪寂寥五州間澎湃千里漲航帆

步虛空縱橫不相妨旅擢倦衝波乘流從所放壑魚喜  
激揚行雁悲瀏亮寬懷既夷猶遠想容奔宕應知屈游  
樂豈闕軒皇唱白蘋無盡情蒼梧有餘望且效芥爲舟  
方羊八溟上

感哀陳鄞縣詩一首

憂思獨增傷鬱鬱又踰春乘流觀飄雨念子始別晨固  
知聞喪久情響忽如親久要恨不忘歡愛集酸辛馳思  
迷生外吐唱詠靈神其一嶽嶽南衡精騰光照四遐雲龍

驥興運宣文樂且儀之子懷瑾瑜幽獨久離家吳越不  
我知明珠反舊浦羣賢盡和會大國有光華其二曰余非

卷四

七

五古

祥金邁子利同心言行相影響讒嫉尙不侵離會猶一  
情曾不怨商參悠悠大暮辰委化共浮沈豈效妻子泣

胡然涕淫淫其三有身必有悲俾也何時忘行行登鳳臺

白日皎城岡伏龍儻晨吟知我翼摧臧庭宇固儼然春

花亦再陽反怨結重恩企踊毒中腸其四中離淹六秋感

子山夜愁還情彌大江要眇共夷猶人情樂所生勸我

天彭畱甯知一朝窮棄余東海陬嚴霜復冥冥愛子墮

重幽其五平生達道真遠逝諒先幾安持不朽名空與俗

眾違奈我癡獨何居世况如遺良友猶一身斯言異壘

篋我喪子失朋子去復何睎其六圭璋斐其文燕石余獨

讐羣公輕卑官三薦困牛刀至人心壽康外物固弗勞  
書來告鞅掌遺編絕唱酬豈其遂褰裳思與造物休其  
驚疑成惛惛倏忽經年月還柩何淹遲升皇在超越登  
高望詒音忽悟淚如屑厭世雖消搖恩紀冀不愆縣解  
若有徵哀情庶能輟其

武岡大甸雨中至水口作寄二鄧

來徑忽幽淡新萸盡萋菲春色雨始佳雲山綠相待久  
聚愉暫離前歡遲年改華葉續爲芳光陰散成采間游  
每有得時忒終何悔隱趣寄山中期君守蘭茝

彭尙書春巡奉同劉侍郎設餞兼招鄧九郎中午集劉

卷四

八

五古

宅輒賤八韻並獻

洞庭樂猶奏湘山酒正香明農饁耕暇皇華春路長心  
間偶成會賓選卽爲良推賢儒術美論功聖緒昌休明  
周鼎重雋朗胥珠光高臥方藩魏稽中克醉康庭花日  
影正隄柳夏波涼嘉招豫切脯還游尙賣漿

心遠樓暮望湘西諸山卽送辛眉往武陟

夕陰曖夏煙麗景餘春隱川光當暮白山綠浮空近平  
檻挹清暉遙帆動離蘊歡筵故情切步履前游引梁塵  
積已蕪窗燭初如燼時新歲忽逝舟繫心猶軫樓臨賈  
宅靜怨入芳洲泯且闕千里愁披雲采松菌

苦熱和曾公孫登樓之作

伏陰徂六月秋暘灼處暑溫溫晝夜熏鬱鬱城市聚靜  
坐几席煩清談巾扇舉林陰眇焦柯蘭池沃烝土埭埃  
偏呼吸山石乾咀晤蟬喝增囂聲雞飛亂長距釋彼心  
所炎抗之高明宇出塵想已曠眺遠觀無禁曾雲暝長  
沙遙波動五渚樊中顧暄濁象外期涼滑造境亮由人  
知時豈違序侍側儻有豪冷然列風翔

苦熱得雨

西風暗吹雨庭階靜將曉羅幃散餘溫秋氣入窈窕瓜  
蟲振長聲池螢弄清晶颯颯枝動桂泥泥光浮篠煩喧  
曾幾時蕭瑟意忽撩當時苦炎烝禾歎在囂湫一枕初  
未終重衣坐相繚附熱憐蠅蟲生寒驗蘋蓼堂虛凜回  
颯室朗光疑眺屣步便輕涼悠懷騁空杳曼夜自此愁  
清商亦云皎置我營營心有無觀妙傲

往衡陽出城帆湘夕過朱亭作

汀洲多烈風白日皎秋光坐令孤游曠安論川路長方  
舟壯暮濤上與賓雁翔挂帆山門峽遂汎昭灘航竹樹  
皆舊林猗靡識連岡津途固不疲豈復歎無梁但恨昔  
時樂增懷今感傷願攜青雲客願我復違行徒溪故鄉

情曖曖指曛黃

衡陽隱居時交友爲盛廿年來相繼淪喪兼悼子女苗而不秀重望城闔泣然有作

久生亦何爲逝者待我悲神識尙不泯英靈盡來儀昔美衡陽游耆彥數追隨地遠少世情談笑論當時高詠有遺音林岫見裴回蛟雨沈石門山館化沙埃倉卒一紀餘羣公各見遺猶勉百年志不異君子期灑淚臨流波寒雨爲我來名賢有歿終殤子又何哀但恐邦寶盡他時怨吾衰顧瞻歲寒松聊付理化推

游仙詩代諸女奠其大姊娥芳作

三秀潤靈池五玉屬虹霄神采映當時英琦忽已遙況我幽居子厭世從飄飄鸞鑿隘樊隅鳳思託曾焱凱風西南來揮手不可招德音儻時存飲露弄蘭翹情影有往還誰謂我弗要

丹萸有餘春青松不辭雪懷寶豈暗投愧我非明月世路苟不諳雲龍頓長繼雖無翠霞姿靈文煥金碣置此人間事將從性所悅靄靄朱陵煙娛游拾蘅藹超世無所凝雲英偶然啜

荅贈袁校經一首

和春應淑心華實含初終青陽在新萋綠陰勝芳紅暄風吹遠游穆如誦笙庸處盛不遺老爲德豈不充雷雨

動滿形升解何丰茸惠音愉我懷感念芳澤同原隰高  
下間皇華映光容橫序無外願昭質助所崇

荅贈曾公孫甄遠

融德久潛輝燭炳在昌辰賢相旣楨王文耆胡高門公  
孫未舞勺組轡驂名昆志揆六韜林先究四始原敷詞  
玉落落摛藻佩蘭蓀在昔多聖童未若此詵詵乘時吐  
虹氣竝彩煥龍雲共學期道立聖遠故有論日新莫如  
敬邦舊命昭焯助哉慎爾儀厲底匹瑤琨

自虎牙至牛口作

沙隄足夷曠宜都稍峭俗因乘夏水高遂引荆門船歸

卷四

十一

五古

灘自古難犯漲始今前投身龍渦底轉挖搖山煙涌流  
崩石波散沫礮雷淵薄雲厓下鮮朗日霧中圓山水積  
荒溪甯爲我周旋凱風振輕帆磯角困長牽旣笑山松  
賞又哂屈平遷顧語三峽靈經過聊偶然

青石洞望巫山作

神山夙所經未至已超夷况茲澄波棹翼彼祥風吹眞  
靈無定形九面異圓虧晴雲穴內蒸積石露嵌奇江潮  
汨無聲浩蕩復逶迤呼風凌紫煙漱玉吸瓊脂賞心不  
期游誰識道層索若有人世情暫來祓塵羈

歲癸未夏多伏陰川東頗有疾疫或言得雷當散而令

典無禱請之恣丁兵備昔巡川東今攝成綵作文齋  
告隆隆響應三日霆電疾雨物氣昭蘇輒賤十一韻  
以繼元暉賽雨之作

常雩紀卿祀憂旱驗僖勤收令雖有職臺司豈遠民端  
思六沴始若納一夫曠暘雨時无咎風霆猶未神舊使  
勞東顧新齋禮北辰細縕氣俄感陰陽動不屯長聲周  
庭宇餘響軋原昉帝樂告崇德天威實歸仁萌疑豁已  
解精意享逾禋椒精映晨燎蕙殿轉靈氛方清閉閣聽  
甯當擾聚蟲

七夕後二日穉璜尙書垂示喜雨詩中浣一日宴寮友

卷四

三

五古

於蜀主祠池西軒張藩使和詩先成並名篇劇韻有  
昭明講席之體因仿梁格韻依原次呈坐中諸君子  
公讌從蓉池秋成觀稻盛鳴騶應樵唱飛蓋搖荷柄民  
歡羽旄美客喜招尋更繚垣竹如簧曲沼萍開鏡晨羞  
潔鮮始密坐敷筵竟微生上才廁白髮朱顏映詩賡樂  
游藻韻賤光華競宮商宣律呂和樂字情性烝黎登衽  
席魚鳥忘機弈疏通條教簡廉恣臺司証薰風奏八能  
湛露歌三慶九功初應夏七志將觀孟瑾璨瓊瑀報鏗  
笥絲管迸言間蘭雪灑句裏松風勁西園召王粲東府  
推徐倩方塵鷺鼓曲復詠龍星榮是日羣公集茲游四

難并懷古嗟劉葛論兵騁縱橫  
亭枹頌張尹省坐陪荀  
令吾宗美世業敬禮榮  
新命雙珠溟海瑛一酌鄉人敬  
玉堂天未遠琴調風初正  
賢升鳳階翮德廣江方泳  
說桑終富國蓄艾先防病  
剡元贊

皇謨率屬嚴私請雍容禮蠲俗  
敦厚詩聞政近欣禾黍  
熟遠絕萑苻傲蒐典戒秋  
貍秩祠烹夏獍待公樂職謳  
吟此澄江淨

過蠡窩灘望珠亭至巴縣作

巴江曠回折巴雨涵清滄連灘  
輟朝食轉棹移天向巖  
秀近始奇渦濺細非浪墟煙  
低作雲洞瀑奔成漲明珠  
媚孤嶼洄曲沚溶漾蔗坡青  
自引橋埒黃初釀藹藹合  
幽溪湯湯激淒壯曾是怨羈  
情將毋厭橈唱微我輕峽  
行誰能泛游舫

成都季冬晴煇頗有宴集乘間覽興偶然有作

初陽煦霜氣暉藹麗園林叢  
葦似雕玉黃梅如綴金東  
楹引暄步西閣散寒襟積凜  
喜得舒來游唱高吟地偏  
寒暑均淑候美重深時因  
夏會罷觀化味蕭森階艸翠  
總總豈識冰霰臨人靜短日  
長誰謂歲駸駸吾生亦已  
久塵事固罕尋猶惜此晝閒  
逍遙坐移陰

幽人恆喜夜願此明月輝  
四時獨有冬寒靜適我微佳

賞復難留當避嚴霜飛欣茲窮陰節尙照秋花芽明鏡  
玉階前上見繁星衣羣動息中宵流光朗川圍高會亮  
餘歡主醉賓言歸圓景方未滿良游勿相違

春日下峽重詠巫山

和風吹靈波復汎神山舟青華媚紫煙識我今來游峽  
情自空冷霞想宕夷猶欣然忘天地坐與春江流巖虛  
石萃萃霄峻松修修思心雖往來未若對蕭瑟翕忽仙  
氣還雲明谷陽幽

澧浦作

江湖勢多端汀北有餘寬回瀆千里內昭曠接潭灣衝

卷四

古

五古

濤倦湍擊入澧弄潺湲翩風送平舟坐臥忽超遷芳茗  
自然綠曲水隨波環墟桃戀始春隄柏濯新瀾離憂悅  
已怡遺佩復何濟屈游非善生枝渚喜今還漁父若見  
存從余清濁間

七日連陰率爾有作

歡心望春來靜居冥晝陰開歲未及游朝曦已七臨和  
風不易暢節往恹寒淡憑軒忽俄爾雲物坐淒沈豈無  
昭蘇願大化非我任初蘭守其華養秀被岡岑彼美執  
時信采擷芳余衿熙熙老氏誠馳思遽能禁

清明節宴招易布政集院東軒令子郎中及宋吳生同

會明日荅郎中作一首

仲春和氣交降燕迎暄藹英英新卉敷瀼瀼濡露墜熙  
陽風始條時雨春方麗芳原騁客心蘭筵召親懿解紱  
承燕間詒音訪衿佩美化由學成輔仁實文會從容論  
尊俎絜矩平海外曰余久支離良辰晞詠饋挑芄憶童  
游采蕨盈山味伊人美白華倚輓歡皇沛豈繫千里心  
湛湛江楓翳及爾同遠方升庭對蘭蕙

南軒冬晴命酒率然同易郎中作

蜀窗背冬日命匠理南榮葦籬忽軒豁延爽在霜晴積  
陰又其常眾笑我多營晨興見朝光屣步一時輕拂席  
啟瓊戶開尊召友生快意取一適良辰偶四并微風階  
外寒晚輦鏡中明地煖霜雪稀梅桃欲共英時無履冰  
懼虛此曝背誠之子感時興知余昭曠情

卷四

五

五古

北湖夜集道俗十九人看月遇雨曉步還城作呈同學  
湖臯靄輕陰欣然城北游新亭艸木香隄外帆湘舟涼  
期月中行倚笛吐琴幽飛雨散酒氣驚雷動池虬湘瀏  
合各光眺聽坐冥收佳人期不來來者去不畱興殊各  
有適夜半明鐙秋游舟宿寺外鐘夢同雲樓晨興引涼  
步背客聊行謳東陂拂芳蕖西麓翠悠悠取意不凝物

因詩記因由

夕發湘陰

汀洲秋艸綠江浦孤鴻飛故人各萬里離思徒相依輕  
舟載落日夕樹愁煙霏遙帆入無際送遠仍多違有情  
南渚碧無波西澗微誰憐昔季太猶勝楚客歸

方舟橫洞庭

巨魚喜大壑積水便修航不有千里池豈恣孤舟翔揚  
帆順回風激浪逆東行橫舫往復來轉帆忽飛光輕雲  
上靡靡長飈浩茫茫碧漣遠爲煙夕陰秀無央巴北延  
翠萃波涌無低昂隨流縱所如未暇從軒皇寂寥余懷  
曠始見秋日長行行何所期摩古慰羈傷

卷四

六

五古

泰山詩孟冬朔日登山作

崇高極富貴巖壑見朝廷盤道屯千乘列柏棲萬靈伊  
來聖皇游非余德敢升良月蠲吉朔攀天叩明庭時雨  
應靈風開煙出北陵仙華潤春丹交樹葢秋青肅肅洗  
神志坦坦躋彛局既知中天峻不待超入絃翼如兩嶂  
趨緯彼四嶽亭將覩三炷正端居心載甯

泰山瀑橋

連山迤平空心目曠逍遙曲橋接危磴朱檻上青霄玉  
湏寫輕冷蒼巒泄雲巢縣冰的紅翠雪艸盡瑩瑤秦松  
近延青餘秀族岡坳偃蹇一萬樹交雲送回飈妍麗愉

眺聽登頓且翔翺對景慙枯槁餐霞企清高  
雪霽午登日觀

聖觀齊山毫天境分清煩方外非輕肆人間苦垢喧余  
懷凜凜志遂造峻朗顛長風萬里舉冰雪浩天門皎日  
光正午八方被陽恩青燕吳樹覆彼下土溫獨此肅  
寒冽塵想不可存艸石皆晶玉明照瑩我神洗心在退  
藏況乃更騫飜凡夫自阻絕既至何險艱觀者徒睇仰  
攀龍從軒轅

濟南冬煊獨居感興

賞心易爲歡良辰不可期百年已過半佳日未盈稭晚  
節謝物役翺翔養天倪西游江漾原東北河沛湄迫此  
凜霜晨賴蒙昭日熙永晝臨南窗和光每融怡適意在  
離人獨喻當待誰莫逆旣從化斯情永矣哉

擬古十二首

閒覽名篇都忘其神理之微不復潛思蓋二十餘載  
輒以暇日比而興之意多於詞則今不及古者爾恐  
後不悉又各序其篇云

擬西北有高樓

綺窗阿閣嚴貴之居而彈杞梁妻且徘徊再三以俟  
知音此何人哉陸擬之曰玉容誰能願傾城在一彈

是關雎之義也

瓊宮明且淡，八風通四窗。璧門鏤青鎖，飛陛互交龍。佳人臨下道，朝日正瞳瞳。顧視世間人，階絕路無容。欲語未及言，浮雲起塵蒙。旣無獨居理，又不下相從。鳴琴整清御，揮袂送飛鴻。青鳥安可託，仿徨待翔風。

擬東城高且長

秦晉燕趙有擇主之思，陸擬之曰：曷爲牽世務反其義矣。又題曰：東城一何高，篇中故有兩一何也。艸綠燕巢，詞意輕雋，故難於巧似。

卷四

六

五古

嚴駕出東城，山川何邈迤。秋氣從西來，涼風浩千里。良時忽如遺，緬塗將安始。艸蟲多憂心，月出傷予美。平路騁輕軒，公公從所止。京雒工遨遊，方春粲桃李。彈箏顧我笑，玉手明纖指。知聲不識曲，彼意終難理。婉孌懷芬芳，徘徊坐中起。願爲雲閒月，待君遙徙倚。

擬行行重行行

訣去之辭重，杳怨淡而擬者，但爲傷別。

悠悠復悠悠，決絕生離心。征夫慕前途，遐路一何深。一公期萬里，山海隔形音。浮雲知故山，羈禽還舊林。長途日以馳，離心日以疑。晨風吹征馬，車輪無還時。恩交親反疏，在遠心念之。公公當何言，爲我長相思。

擬涉江采芙蓉

公京游梁之詞故追念故恩藩國多材則王室遺賢  
矣進退有嫌是以詞不可多陸曰采采不盈掬非也  
江南多芳芷采菱夜忘歸馨香歇洲渚秀色芳人衣念  
我來時情悵望復遲疑蘅杜日幽遠恐君蘭澤衰

擬青青河畔柳

本刺浮薄之大臣而陸返之以貞信

灼灼道旁花悠悠川上雲容容采蓮女嫋嫋攀羅裙依  
依日欲暮粲粲晚妝新本爲悅蕩子不以喻居人居人  
守貞信明鏡生埃塵

卷四

五

五古

擬蘭若生春陽

念國之詞

芙蓉生玉池乘月植庭軒旣蒙夙昔惠情愛歷山川美  
人隔重雲迴路絕無緣回風動微馨感念昔所歡憂來  
其如何言刈蘇與諶

擬庭中有奇樹

情在自媒而陸言傷別

瓊樹當春陽佳人忽見遺芳榮不自惜采采動盈袿常  
恐萎中路攀條歎歲華歲暮儻見求但恨我無媒

擬苕苕牽牛星

蓋梁有陰謀策其必敗而不可諫焉

眇眇洞庭波嫋嫋湘山樹冷冷帝子瑟杳杳瀟湘路沈  
吟常獨彈千歲誰能和清秋時一聞哀慕不能訴寂寂  
天漢橫暗暗還自忒

擬明月何皎皎

始欲忝梁不能還漢自疑之詞也陸云游宦是矣

游子無定居獨寐苦夜長憂愁誰當見明月在我牀既  
知客行苦誰令忝故鄉我情不可道中夜正彷徨晨炎  
明高牖寤言用自傷

擬今日良宴會

右枚叔  
九首

卷四

辛

五古

齊心高言欲據要路黨人謀忝宦官之辭也故以臚  
塵自誓而陸但以高談爲綺宜同敗矣欲救其敗輒  
改其意云

置酒高堂中宴我同心人絲竹何喧闐清歌出逡巡知  
音世所難四坐肅心神清商不徒唱識曲和陽春人生  
樂無方天路若浮雲自非風雲會龍變不能伸何爲慕  
名甄馳騁逐埃塵

擬青青陵上柏

柏石斗酒隱居之樂冠蓋極宴貴游之方也駑馬游  
戲豈不愧乎陸生恃其門胄故爲方駕飛轡之詞

明明雲間月灼灼風前電人生一世間忍如滄海鴈彈  
琴在環堵已貴誰能賤儒冠曳敝袍行行入京縣京城  
平旦開榮華坐游宴車馬皆王公爭名互相羨雙橋夾  
兩宮雲龍隱三殿鐘鳴飛蓋陰遑遑將誰見

擬明月皎夜光

虛名高舉處士竊位東漢之詩也而云孟冬促織故  
託於國初耳陸亦言歲暮涼風知其指矣

明月澄清秋玉衡正三階眾星垂光景躔度亦昭回晨  
曜故有時達士曠其懷飛鵲夜多驚艸蟲共啣啣愁人  
苦不甯出戶望徘徊褰裳灑露中告我以悲哀野鶴不  
司晨侏儒困長材徒懷區區志此念何由開

卷四

五

五古

右東漢  
人三首

丁亥二月三日出彰儀門雪中作

初陽動春和微寒灑然雪西郊無風塵平眺千里潔薄  
游偶還期陵晨出城闔親交倚結軫征車不回轍順風  
玩祥雲輕煙散凝節幕幕同雲陰藹藹羣萌悅蟬蛻敢  
云污鴻歸有時別余情便川原胡爲汶朝列聿來止邦  
圻去矣非高達終焉異子牟身心判江闕

荅贈袁章京昶一首袁語及西藏舊計謬以劉向陳湯  
相比因傷丁文誠愜然有作

東里樂吳縞南工論楚劍眞知世所希外賞誰能鑑余

本支離士人形偶然犯寢疾恣間游適來訪朝玷彼美  
在彤闈特達光圭剡瞻言彌六合計畫符淡念昔參斷  
臂謀意絕英俄瞰人亡遠圖止語合雄襟憾謬許愧劉  
陳干時異酈范風寒燕市靜燭煖清觴汎將回已灰心  
訂謨待君驗

三日北湖襖集十八人分韻得司字

良辰唱嘉游童冠叶風詩新歸及茲會江海曠餘思南  
波融雪漣春漲浩晴漪同懷舟梁志向想池臺時間居  
肆吾適雲構偶可期契匠各有由誰謂德不司將亭碧  
隄陰坐詠曲水詞

天津早秋作

卷四

三

五古

曉日明碧苔涼風吹斷雨炎氣已蕭條秋情暫容與黃  
流有新浪綠樹迷遙渚綺席細塵飛疏簟波文曙喜無  
禾黍憂正待舟帆舉無俟霜露寒登樓歎羈旅  
重游虎北攜琴載酒采藥而返

江南佳麗地清秋搖落天覽古臨閭風重游及暮年茲  
北鬱劍氣片石龍吳煙平眺空高城晴望曠山川良朋  
識我憂罷酒命鳴弣滿目今古事飛鴻忽飄翩芳艸有  
餘綠春榮方更擗池臺一時觀興廢在偶然何以寄歡

怨寫心松桂前

秋雨酬叔問

時寓蘇州南園

涼雨夜來過桂花香入牀起坐晨風秋興清且長東  
游踐嘉招談言樂無方一夕阻過從寒煙滿高堂處靜  
有餘歡興言誦來章擺落世上事意與雲鶴翔江湖曠  
寬間游隱恣徜徉暇則琴酒中豈謂俗禮妨若尋南山  
阿蘭菊自芬芳

鄭叔問張羊令相送惠山舟行不及卻先夜至余到黃  
步還舟見之

新知有餘歡晴游展歸趣百里共平流誰知卽歧路弭  
棹依虎北登樓訪黃步孤情照初月別思生溽露佳人

卷四

三

五古

既未來山徑碧已暮雲窗余舊凭泉聲子心悟同心不  
同賞揮手謝煙素

吳無錫具技樂酒船送登惠山還集縣齋作

名山豈泉名妖女豔雲花樓臺蔓艸荒蘆石吐清嘉楚  
來余足音賢長喜不返畫舫揚棹謳明鏡出吳娃良政  
遠聲色娛賓燕有加高齋屏伎樂清尊話煙霞此邦患  
士澆未暇懲民邪從來戒征利奢儉可隆注凋敝今不  
蘇炫靚豈重夸所願聞弭歌拄笏飲江茶

丹徒江樓望風作

南風霏濛雨寒江動春氣舍舟登江樓清暉藹遠至漾

漾萬里流長空寫吾意瓜步橫蒼涓煙牆矗如薺焦山  
靜娟娟乘潮閱人世古來樓船戰搖蕩山川勢事過存  
想勞年徂客情異徒懷飈舉心悵望浮雲翳

膠舟高山望換小船至磊石人云湘君取船守洲其船  
須春水乃行

荊巫驗風反

癸未春事

河汶感波迎

辛未秋事

嘗聞巽坎難每恣

江海行歸舟順長風大壑翔杳冥快意偶一失泥沙困  
修鯨篙櫓遂無施鰓贏欲見輕目送馳千帆心飛鷺四  
溟時哉不能駕守此竟何成不如無舟楫順逆可忘情  
前邇種荷南池插菰作

卷四

五

五古

昔余悅水石所至臨池軒陶夏靜且長起坐涼風便明  
漪朗余目荷芰助芳鮮以茲多所營館宇非一山信美  
豈不勞竭來歸故樊茅茨始欲翦炎氣中林煩賴有東  
畎流淺潺復彎環芟芻久不理叢綠蔓可刪東溪移芙  
蕖西澗乞菰竿新雨洗清泚芳意冒春漣有情盡余私  
風物滿目前山川旣吾有方惜曩寄慳  
南風上水乘戰船至衡陽作

重霄朗晴炎朱夏氣昌明烈烈凱風長嘉禾應時榮晨  
興臨圻岸首路遡南行清湘正安瀾黃流已復平我行  
非祇役沿涉覽回縈青林鬱炎陰涼耳唱蟬聲萬物各

有性趨時未勞生念昔水軍居盛暑促治兵貽我今日  
逸山川尙從橫長日不可虛滄波更相迎顧已忽忘老  
沈吟洲渚情

正月三日南郊山行

時妻喪初卒哭

南中饒寒雨新歲喜朝陽百年不恆觀衢人心悅康蟄  
姬旣昭蘇吾甯獨菸傷素車出東城徒步踐南岡習習  
冷風和鱗鱗慶雲翔芳甸氣蔥龍煙樹藹相望西山晴  
翠高飛黛逼川光風物美常新來襟快所當騁騁七門  
中藉藉九京傍我情因時異歡怨安可長逍遙及良辰  
熙春觀茂昌

正月十三日東洲作

卷四

五

五古

霖雨新水渙汀洲歲華鮮桑柳忽蔥龍初黃曖煙漣久  
暄方望雪含彩豫催年霜霰儻再寒芳苔何遽妍人情  
貴初榮與物共欣煖微風動地氣遠興赴流川閑居每  
翫時良序豈爭先春至有早暮佳期安可諉  
辛眉見過夜還舟宿登樓望送有作

東洲散煙雨春寒滿川陸登樓無所思佳客來不速沈  
陰誰與開賴子豁紆鬱新柳絲復妍輕波暗相蹴旣歡  
兮理暢共樂清言寂還舟更孤酌掩扉遙望燭咫尺復  
分襟千里如在目涉江多采芳槃阿獨寤宿湘漢春艸

同馳思向晴旭

沈處士贈魚有詩奉醺率作沈前佐易游二藩  
簿書窘俗吏章句困儒巾良材不可枉高志自然申夙  
昔聞之子逍遙觀國賓邂逅君平里綢繆清洙濱易游  
當代豪微睨辨玉璫咨余實疏率嘉子賞我真歸與各  
懷土里巷分彌親復此湘東游開襟覲清塵鄴湖異錦  
水冬腴同翠鱗舉綱輒相憶臨觴忽披雲來詩何溫其  
霜燭夜回春淵淵金石韻意蒼山水新傷今政俗殊思  
古才雋珍誰云高難和信彼德有猷

三月晦日登樓望春

卷四

五

五古

離離鳩鷺鳴萋萋曙光顯積雨苔徑蕪暄風藥闌轉晨  
思曠徘徊川樓俯溟沔黃流浩春聲遙空漾融演魚孕  
喜乘潮槎浮忽陵陰霞千里合芳艸長江遠卽日欣  
賞畱因時物情展初服庶無悶詠歸良異撰  
功輿游還來覲東洲喜雪作

祥霽實南瑞積凌兆前宵竹樹驟晨響登樓散蕭寥蒙  
蒙川霧昏皓皓沙渚膠行旅喜時應陵寒無怨勞矧余  
游子歸童穉相歡招橙梨分佳果梅茗映瓊苞收帆數  
來舟籠火度亭橋旣欣無慮營翻樂暫游遨有暇多所  
適憑軒心賞高伊昔倦塗役稜稜川陸交且念相濡响

無爲寒苦謠

雪中鄭叔獻陳寅伯自方廣還過訪有作

寒川靜無聲浮雪被岡原漠漠紛未已滄然庭宇間竹  
柏愈清真無人守芳妍淡院重其門忽聞輿從喧清談  
旣霏玉新詩復明玕坐移蓮峯秀置我寒階前飛英碎  
冰華繚響瀑松泉舟去日亦冥空堂坐寒煙

始春閒居人事殆絕雲陰晝長獨坐無心題七韻

羣動有息時獨靜自然飛含生皆待春觀化識其微  
外返無始寥寥送晨暉端坐誰與賓餘寒入人衣川流  
何早波稊柳雨初霏人情樂歲首閒劇各有依因暇得  
永日非勤非息機

卷四

毛

五古

天津水西莊四月桃花

人間惜春盡地冷畱花晚江南芍藥暮薊左天桃滿夏  
節及辰游西莊去塵遠新楊散夕圃芳風始茗展安知  
時已暮但喜晴初轉翔燕影翩翩和禽語絲軟物榮並  
欣欣客意何悵惋還臨漕渠靜歸及斜陽返無以魏晉  
情歎息仙年短

初夏寄浙藩劉景韓

凱風薰時苗旭日總翠陰長川浩遠波我思載浮沈自  
爾五年別會闊空嗣音霞月矚閩嶠雲濤懷浙潯良期

在何所湘漢廣且深新竹干霄長喬松負壑森嚶嚶出  
谷鳥啾啾鳴晦禽臨流遲來軒懷寶詠南金  
笠上人浩園齋集述昔游佗

蓼蓼舟壑移微微市朝變神超固無吝迹在猶堪戀北  
園積荒墟貧居自童丕圍城尙不喧鳴騶未嘗眄綈紫  
忽隆崇豪賢會嘉宴曾張互招邀曹余各游衍清濁競  
乘時道俗俄森電釋子久澄觀吾衰亦游倦重來霜柳  
下未覺靈山散方甄舊館客更接英年彥高臺且未傾  
行行共蕭衍

甲午二月四日再集浩園寄素道三道人同會齋罷逢  
張居士要入東寮看畫歸作記日

卷四

天

五古

沈陰久忘日已復當春分初陽暢天和招攜賞良辰午  
風散柔寒池波渙漪淪人外雖蕭條嘉與萬物新四子  
各神秀出入超四門追語碧湖禊九載一屈伸吾甯舍  
哀樂譬彼冬還春空園竟誰主居士來相賓何以寄此  
游陶遠有芳塵

徐幼穆招游麓山寺置酒虎岑堂夕送徐鄭湛侯渡湘  
仍還赫戲臺循屈祠山徑登舟夜泊山下舟中佗

恆馳域外觀久負門前山不有遠客招豈憶靈境間聯  
屐訪松厓春煙潤落斑鳴泉導我步登降弄潺湲蘿垣

隱廣殿楚色浩雲闌釋君簿領心坐語湘州寬苟尋嶽  
雲石下插水麓彎平臺納川炎城郭靜孱顏夕陰館宇  
多但笑客欲還踐沙送歸棹望子杳靄間還登橘頌亭  
騁此幽懷慳揮手已塵外維舟從白鷗

立秋後六日大風南樓看雨

狂蒙久不知噫氣吐曾霄南雲卷橫雨噴沫挾長森  
欲駭空聲但聽風雷搖忽如海水飛坐覺孤樓高稍喜  
毛髮潤仍傷禾黍焦鳴檐不成溜排窗盡奔濤衝騰在  
一時淡居豈能囂湘川渴已枯驚沙偶然飄安得筦化  
機哲謀在所調

卷四

无

五古

出山逢雪舟中作

閒雲雖無心已出不遑息徒御方春糧淹畱忽三夕南  
中孟冬雪先集何漉浙豈能病蔬果將爲埽塵跡因風  
每斜飛回坳偶旋積晒余無足行坐次清漣碧歲暮期  
自賒還山路仍識松桂橫眼前回瞻眇雲石

丙申正月還山五日仍至城宅作三首

夕雲隱重闔東風振新瀾臥橋若浮空挂帆似昇煙往  
來從所止吾亦告春還遵渚別飛流入谷蹙芳蘭新茗  
各懷榮舊室復含暄雖無陶氏琴豈慕長卿軒衝叢匿  
西日浮埃蔽南山且取容鄰居悵望復何言

清晨靜無聲開戶失庭樹堆雪皓已絲雰雰亂空霧蟄  
雷夜驚寒濂陽相錯互尺澤期有贏聊以慰農女貞松  
明遠青叢竹黯餘素物態何鮮妍春情復融豫祥灾非  
吾禎饑飽焉足慮

阻風昭山下泥行大汭前捨舟旣連蹇舛輻忽翩然豈  
其屑屑來祇祀致所虔得時偶星駕瞻望厯川原徑路  
皆周悉岡領空糺連嗟彼今古士勞生共攀緣取適俄  
頃意傾軼競一先喋血醴陵門銘功妙高顛余來諒有  
蹤敢謂脫籠樊

春雨臨湘看諸女偕新婦登舟還城作

卷四

辛

五古

皋蘭雨中芳春氣涌流波沈陰忽昭曠遠望極透迤嘉  
游悅還心歸舫乘風和朝煙翼重樓鳴檣雙參差的的  
桃笑風依依柳綠坡賞眺未及延高城見嵯峨共知新  
歡長豈謂百里遐余情惜景先取適固已多榮樂在當  
季懷芬采瓊華

消夏弟五集蕭教授江尉郊迎長官招胡吉士夏郎中  
論詩明日更集張知縣亦以迎謁先忝

會少事恆多間居觀世情復喜佳客來始歎四難并臥  
疾對清醕開軒遲良朋長川汎洋洋我思浩已盈巴船  
待潮太澧旆拂雲行旣嗟揮手別還見折腰迎晚嚶出

好語新燕有和聲雅唱亮不孤何必盡欄觥逍遙芙蓉池寄彼瓊樹榮

立冬日湘岸步月看菽乘船還精舍作

高興良有寄時物應游賞及此秋霄澄鑒彼清川朗瀼瀼露初下皎皎月孤上黃華正繇妍南園步相訪密葉窗影叢高花燭炆晃固知霜下傑未作華軒想暄和亦可佳林野豈長往達人歎後凋君子泰道長歸途曠空明乘流轉來舫前洲藹夜色風蕉振寒響取適靜居志無然嬰物綱

和陳瓊兵備感遇二首

卷四

五

五古

戟門澄霜晴清景釋煩累時讀齋中書遂有江海思高吟驚怪鴟壯心感伏驥疇昔躬亂離豈爲圭組仕淨名旣相嬰高致久不遂雖展千里足甯障一隄潰王事增艱虞方州若旒綴徒爲杞人憂方滋漆室喟

湘衡義兵始零桂天下本二紀忽蹉跎民物空隱軫吏治苦昏冗培克更凋損選賢始移鎮將以飭庶尹百年弛綱維臺省喜沓噂參副雖崇階連城各畦畛褰帷勞盱衡閉閣將自哂何以布優優慰我心隱隱

戊戌芒種訪石門舊廬暗步雨中十五里宿檀林塘明日還至金烏井復暗步十五里還松亭船中作

汎汎輕舟邁陶陶萬物昌忘情隨地游佚老與天翔行  
春已後時閏夏烈新陽芙蕖炫早花稻葉競初芒舍船

松亭橋酌水金烏坊川原既周悉屣步恣倘佯其一舊廬

溪山淡盤紆百里程薄暮雷電雨風泉助飄冷荒途失

松翳危石踐落青雨汗蒸蓬鬢螢電爍夜旨淋漓兩青

鞵行行三短亭好游誠逸性窘步亦勞形其二勞逸亦何

常欣戚信多端夜投檣林宿感念昔馬煩音迹步步存

時節冉冉彈誰言絲竹響但見樵牧還歡親終有窮柳

夙桐桂殘卽此自嗟弔溪流涕潺湲其三潺湲別舊蹊馳

騫遵平陸午雲陰亭皋南風振綃縠豈下叔直昇且尋

卷四

三

五古

興公服漏盡行不休林昏道固熟陰霞復興晦舟車俄  
往復終騁顏躅步無譏桑下宿其四

己亥山中度歲襍詩

歲晏恆苦寒欣此風日煇年穀幸有餘嘉疏亦盈園童

穉喜出塾冬餘多所歡從我入縣庭正見迎春幡駢駢

導百吏簇簇向農壇鞭牛送寒往露臆載春繭通衢物

色昌迤邐秀川原誰謂適人適詠歸忘我言

三元慶佳節五始端四海歲運有推移人事諒不改幸

逢中天日焉懼朔風晦愆陽方喜雨百物欣相待嬉游

新故間豈復怨元宰投暮還閉門一觴聊自解

陰雲涉一旬聞雨聲更佳雖無閔雨憂同此田父懷岡  
隴藹濛濛山阪潤枯荻緯耒耜者誰子春風動蓑臺我不  
勤四體自知非爾儕共承陽和澤豈獨歎陰霾

少無田園樂還山復垂老在苒今十年庭除得洒掃親  
故喜見存招要競期早籃舁雨中行曾不畏涂潦酒食  
既余需焉得免濡首行行尋舊游歷歷望長道梅榮柳  
亦梯方悅歲華好

隆周實基農孔氏譏用稼信義苟不存兵食焉能霸既  
居小人位躬耕欲誰謝但恨督課疏不識犁與耙良友  
閔余拙爰來問田舍遙遙沮溺心斯豈獲優暇儻逢辟  
人士願以回君駕

卷四

三

五古

昔余逢亂離游昇穀中央所如輒見沮非以智自防聞  
有先識士脫身長平阬力耕四十年抱鄰笑南陽已復  
罷且聳志氣自康強歲暮從之游示我飲酒章時語灌  
園意非慕於陵名農士盡游惰聊欲身率倡陶公何爲  
者乞食乃佯狂

初月九衢游繚華逐歌吹山中良夜長清光照無寐誰  
能更酣歌引觴不期醉種竹北窗下移梅東軒外照影  
皆春光依依自明媚

久間詩思多思多不可理還坐默無言夜寐晨復起誰

云我才竭正爾情  
媿媿南鄰有詞客  
縱橫粲文史欲往  
從之談忘言遽然止

從石屋過理安寺渡九谿至龍井

湖南石林秀曲徑自成蹊  
三洞既窈窕諸峯無端倪  
鳴泉引幽步高下皆雲梯  
選勝開精廬收影闕夕棲  
尋煙轉山背循谷渡回谿  
茗竹扶道綠水石含冰  
漸透迤入龍泓曠望指沙隄  
儻能同喧寂摘葉弄春萸

三潭夜雪晨游高莊

重帷覆寒風驟煖知已雪  
曙朗瑩心神褰開曠超越  
霑灑積庭除豐茸悅松楸  
水閣三潭昏山明半峯缺  
遠增垣堊麗近見林亭出  
敲冰渡輕舸流澌響清冽  
已知塵市遠反畏人蹤絕  
掃徑如可期瑤芝冀能掇

亂後重題淨慈寺

南屏啟泐宇石嶂抱花臺  
樓觀信回互軒窗俱朗開  
新松秀乳竇舊磴積蒼苔  
不覩興復難豈念物力恢  
清游及春始踐雨弄初梅  
幽芳亮無歇代謝理相推  
幸澄觀空境何傷年序推

夏口二月望日大雪舟中作示孝達

萬里聊一游風霜固不論  
敲冰武林湖頰雪清溼濱  
客行信永久春氣猶未溫  
江濤助長焱昨夜巨舟掀  
晨霽

驟飄瞥高浪急奔翻岸柳俄已皓隄沙晝自昏臧船鸚  
鵝洲繫纜烏曰根魚鳥得愒息繫余亦忘言脫有來訪  
戴無勞君婦門

麻山望濟南城

名城鎮洩陰積石橫南案登臨寫余心朱明敞遐觀鵲  
華標二表翬楹抗連殿河漂引遙瀾原林迤平甸田韓  
昔虎爭麻下觀韞戰亮無輦鼓思空有英雄歎負帶雖  
阻深縱衡忽朶散誰爲馮軾人瞻言怒怛怛  
沂郊道中喜雨有作

熱行愁暑塵山徑畏川潢振策遵平路披襟喜晨涼悠

卷四

五

五古

悠出沂境藹藹望郊疆冷風送微雨麻麥潤暘岡青青  
眾果林但覺花實香鳴鳩識余心好語悅笙簧眞隱豈  
懷土適性皆吾鄉旣遺出處迹居游信俱忘

自衡游浙於空冷峽還酬餞送諸子時徐幼穆罷清泉  
從省仍上府呂翼文自遼陽來過衡

暄日朗冬晴玄冥戢朝霜曷旦愜遺聲黃鵠念高翔湘  
靈停瑤瑟海若銜珠光役車時未休一葦信可航戒途  
五湖陰飲餞衡山陽良朋不期來撫掌歡在堂喬臯旣  
還飛遼雁亦南頊誰謂千里聖羣賢斐成章少別欣大  
會斯行樂無央移情觀自匡弭棹獨常羊

亂踰三月乘輿西出外臣曾無釋位之義憂心靡投曾  
夏兩編脩僻在桂渝銜命奔問過衡相見感而有贈  
因五彝示重伯庚子閏月

皇綱偶失統夷盜戲交兵輔相固不臧方鎮謬連衡坐  
井而觀天智小惡遂成誰無久母憂憤起兩儒生精衛  
赴東海萬里各孤征天顏在咫尺所貴達我誠三仁昔  
計利董生用譏抨求得有何怨長風送秋行君子勉于  
役慰爾飢渴情

昭君詞

北藩旣款塞朝典賚優崇豈爲和親餌將從蕃后封人  
情惜遠嫁聞命但憂忡玉顏常自矜感慨起相從知名  
在一朝左右眩光容悲弭爲沈吟胡馬嘶其風父子知  
漢禮方期變華戎升沈亦何常斑女怨空宮美色猶見  
欺奇才信終窮

從方廣寺至黑沙潭

屈曲五峰間盤桓一徑通出入迷往來翠壁蘿蒙茸條  
蘚萬古綠安知夏與冬峽溪唯一源灘瀑百不窮琪花  
潤鮮芳仙藥秀青紅樵童不解采覆蔭二潭龍蕭深十  
里寒荒翳千年蹤寄言青雲客翔棲誰與同

